



Inatsisartut Aningaasaqarnermut Akileraartarnermullu Ataatsimiititaliaat
Imaneq 2
3900 Nuuk

**Ataatsimiititaliap 2026-mut aningasanut inatsisissatut siunnersuut pillugu
apeqqutaanut akissut**

Ulloq 28. August ataatsimiititaliaq 2026-mut aningaasanut inatsisissatut
siunnersuummut apeqqutinik oqaatigisassanillu arlalinnik nassiussivoq.
Apeqqutit tulluuttuni akineqarput.

Akissuteqaammut atugassatut naalakkersuisoqarfinnit tamanit ilassutinik
pissarsisoqarpoq. Tamatuma kingorna Aningaasaqarnermut Akileraartarnermullu
Naalakkersuisoqarfiup ilassutit taakku allakkamut ataatsimoortumut uunga
katersorpai.

Ataatsimiititaliap oqaatigisai apeqqutaalu aallaqqaasiullugit issuarneqarlutik,
kingorna akissutit ivertinneqarnerisigut akissut suliarineqarpoq.

Aningaasanut inatsisissamik suliaq ingerlaqqinnerani Naalakkersuisut
ataatsimiititaliamik suleqateqarnissartik qilanaaraat.

1. Naalakkersuisut ima paasissutissiipput:

*Taakku saniatigut aningaasanut inatsisissatut
siunnersuummi suliaasaqarfinni 10-80
ingerlatsinermut tapiissutinullu aningaasaliissutini
inatsisitigut piumasaqaataannigitsuni tamani
annertuumik 2,5 procentit missaannik tamanut
annertoqatigiiaartumik ileqqaarniarnerit
ingerlanneqarput. Taamaallaat peqqinnissamut
immikkoortoq (34) aamma ineqarnermut
attaveqaateqarnermullu immikkoortoq (70-72)
innertoqatigiiaartumik ileqqaarniarnernut
taakkununga ilaatinneqanngillat. (qup. 175)*

1.1. Assigiimmik annertussusilimmik tamani sipaaruteqarniarneq
missingersuutitut ilanngussaq naapertorlugu suliaasat
ingerlanneqarnissaannut qanoq kinguneqassanersoq, tassalu
inuiatigiiannut qanoq annertutigisumik eqquissanersoq,
Naalakkersuisut erseqqinnerusumik nassuiarsinnaavaat?

Brevdato: 16-09-2025
Sagsnr. 2025 - 4541
Akt id. 25716776

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

AKISSUT

Ileqqaarutissatut aalajangiunneqartut akisussaassuseqartuullutillu pisariaqartut, Naalakkersuisut naliliipput. Naalakkersuisut ileqqaarutini akuersinnerminni pisortat pingaarnertut isumagisassaasa sapinngisamik annikinnerpaamik kalluarneqarnissaat ilanngullugu aalluppaat. Peqatigisaanik Naalakkersuisut aningaasanut inatsisissatut siunnersuummik, Missingersuutit Naatsorsuutillu pillugit inatsimmik naammassinnittumik, nunatsinnillu akiitsoqalersitsinngitsumik aningaasaqarnikkut illersorneqarsinnaasumik qulakkeerinninnissamut akisussaaffimmik tiguspupput. 2026-mut aningaasanut inatsisissatut siunnersuutikkut Naalakkersuisut taamaalillutik aningaasanut inatsimmi inatsisinik tunngaveqanngitsuni aningaasaliissutini tamani ataatsimut ileqqaaruteqarnikkut missingersuutit pisariaqartumik pitsannguiffigineqarnissaat siunniuppaat. Taamaattoq Inatsisartut Siulittaasoqarfiata kiisalu Peqqissutsimut Naalakkersuisoqarfiup immikkoortuini aningaasaliissutit tamakkiisumik ilaannakortumilluunniit ilaatinneqanngillat. Ileqqaartutit 2026-mut aningaasanut inatsimmut ilaatillugit akuersissutigineqarneranni, aningaasaliissutini ataasiakkaani sukumiisunik ileqqaaruteqarnissaq aningasaliiffigineqartut ataasiakkaat aalajangissavaat. Tassunga atatillugu aningaasaliissutini ataasiakkaani ingerlatat annertussusaannik nassuiaatit innersuussutigineqarput, soorlu tamanna aningaasanut inatsisissatut siunnersuummi missingersuutitut tapiliussani ataasiakkaanni nassuiarneqarpoq.

- 1.2. Assigiimmik annertussusilimmik tamani sipaaruteqarniarneq aaqqissuusseqqinnissamik pilersaarutini kalluaassava?

AKISSUT

Naamik. Aaqqissuusseqqinnissamik pilersaarutit ilaatigut nunatta aningaasaqarnikkut patajaassusaata qulakkeernissaanik siunnerfeqarput, ileqqaarutillu aamma taamatut siunertaqarput. Tamatuma saniatigut Naalakkersuisut 2026-mut aningaasanut inatsisissatut siunnersuut aqqutigalugu aaqqissuusseqqinnermik isumalioqatigiissitamik pilersitsinissap pingaarnersiorneqarnissaa siunniuppaat. Aaqqissuusseqqinnermut isumalioqatigiissitap pisortat ingerlatsivianni ataatsimut suliassanik isumaginninneq aaqqissugaanerlu qitiusumik allaffeqarfissuaq kommuninillu peqateqarneq pingaarnertut aallullugit misissoqqissaassavaa. Tamanna tunuliaqutaralugu aaqqissuusseqqinnermut isumalioqatigiissitap pisariinnerusumik siunnerfeqarnerusumillu ilusilersuinnermut kaammattuutit, innuttaasunut qanittumik inuiaqatigiinnullu pingaarutilinnut suliassanut isumaluutitut atugassanngortitsisut tikkuutissavai. Sulineq Naalakkersuisut naalakkersuisooqatigiinnermut isumaqatigiissutaannut Attassinissamullu Ineriartortitsinissamullu Pilersaarut II-mik malitseqartitsinerannik aallaaveqassaaq.

Taamaalillutik ataatsimut ileqqaarniutit aaqqissuusseqqinnernillu pilersaarutit imminnut assortuunnernik Naalakkersuisut takussutissaqartitsinngillat.

- 1.3. Allaffissornerup iluani sipaaruteqarnerit, tassunga ilanngullugu assigiimmik annertussusilimmik tamani sipaaruteqarnerit, qanoq annertutigisumik ingerlateqqinneqalersaarpat?

AKISSUT

Siunissaq qaninneq ungasinnerusorlu isigalugu pisortat ataatsimut aningaasaqarnerata oqimaaqatigiinnera pingaarpoq. Taamaammat missingersuutit naatsorsuutillu pillugit inatsimmi aamma kommunit namminersorlutillu oqartussat ukiuni sisamani ataatsimut angusaanni amigartooruteqannginnissamik oqariartortumik oqimaaqatigiissitsinissamik piumasaqaat ilaavoq. Aamma siunissami pisortat isertitaasa aningaasartuutaasalu akornanni oqimaaqatigiissitsinerup nangittumik ingerlanneqarnissaanik qulakkeerinnittunik iliuusissanik pisariaqartunik akisussaassuseqartunillu aalajangiinissaq Naalakkersuisut piareersimaffigivaat.

Tamatuma saniatigut allaffissornermut aningaasartuutit appartinneqarnissaat Naalakkersuisut kissaatigaat, tak. apeqquut 1.2.-mut akissut.

Siunissami aamma annertoqqatigiiaartumik ileqqaarniarnernik ingerlatsinissamut pisariaqartitsisoqalersinnaanera, Naalakkersuisut maannangaaq itigartinngilaat. Naalakkersuisut soorunami sukumiinerusumik immikkoortuni aalajangersimasuni ileqqaaruteqarsinnaaneq, pisariillisaasinnaaneq il.il. aamma amaffigaat, ilanngullugu takuuk Attassinissamut Ineriartortitsinissamullu Pilersaarut II-mi siunnerfiit.

2. Naalakkersuisut ima paasissutissiipput:

Aaqqissuusseqqilluni sulinissami immikkuualuttut pingaarnerit pilersaarutaasut tassaapput:

- *Sumulluunniit attuumassuteqanngitsumik aaqqissuusseqqinnermut isumalioqatigiissitamik pilersitsineq*
- *Immikkut ilisimasalinnik siunnersortinillu pisariaqartumik suleqateqarneq*
- *Namminersorlutik Oqartussani aaqqissuusseqqinnermut immikkoortorta qarfiimmik ataavartuusinnaasumik pilersitsineq*
- *Kommunit aaqqissuussiffigeqqinnerannik ataqatigiissaarineq* (qu. 177-178)

- 2.1 Kikkut sumulluunniit attuumassuteqanngitsumik aaqqissuusseqqinnermut isumalioqatigiissitamiissappat? Taakku suminngaanniit Naalakkersuisunit pissarsiarinialersarneqarpat?
- 2.2 Aaqqissuusseqqinnermut isumalioqatigiissitaq sunik suliaasaqartinneqassava?

AKISSUT

Apeqqutit 2.1 aamma 2.2 ataatsimoortillugit akineqarput. Naalakkersuisut aaqqissuusseqqinnermut isumalioqatigiissitamut attuumassuteqanngitsumut suliaakkiummut isummernissamut tunngavissiaq akuereqqammerpaat, tassani isumalioqatigiissitap katitigaanera, suliaasai, aaqqissuunneqarnera isumalioqatigiissitallu sulinissaanut piffissamut pilersaarutissatut ilimagisaq nassuiarneqarpoq. Taamaammat Aningaasaqarnermut Akileraartarnermullu Naalakkersuisup Inatsisartuni partiit kiisalu Aningaasaqarnermut Akileraartarnermullu Ataatsimiititaliaq isumalioqatigiissitamik pilersitsineq pillugu erseqqinnerusumik immikkut ilisimatillugillu suliaakkiummi nassuiarneqartutut politikikkut malinnaatitanik pilersitsissaaq.

Apeqqut 2.1-imut sukumiisumik tunngatillugu aaqqissuusseqqinnermik isumalioqatigiissitap immikkut ilisimasalinnik attuumassuteqanngitsunik pisortat ingerlatsinerannik, aningaasaqarneranik inuiaqatigiinnilu pissutsinik sukumiisunik ilisimasalinnik inuttalerniarneqarnera oqaatigissavara, Naalakkersuisunullu isummernissaannut tunngavissiaq malillugu inuttaliinerit ima isikkoqarput:

- Siulittaasoq: Pisortani aqutsinermik suliaqarnermik misilittagalik imaluunniit suliffeqarfimmi namminersortumi angisuumi qullersatut sulinermik, allannguinerinik ingerlatsinerinik aaqqissuusseqqinnermilu misilittagalik imaluunniit aningaasarsiornermik ilinniagartooq annertuumik aaqqissuusseqqinnermik suliaqarnermik misilittagalik
- Pisortat aningaasaqarnerat
- Digitalinngorsaanermik muteerninngorsaanermillu immikkut ilisimasalik suliffeqarfimmi namminersortuni sulinermik misilittagalik
- Kommuninik immikkut ilisimasalik piffinniluunniit sulinermit misilittagalik
- Sociliogi suliffeqarnermilluunniit ilisimatusartooq
- Nunamit sanilliussinnaasatsinnit (soorlu Savalimmiunit Islandimilluunniit) pisortat allaffissorneranni immikkut ilisimasalik

Inuttaliinerit nunatsinnit nunaniluunniit tamalaanit suliaqartuneersunit ingerlanneqassapput, matumani allanneqarnerata nalaani inunnik aalajangersimasunik suli toqqaasoqanngilaq.

Apequt 2.2-mut tunngatillugu isumalioqatigiissitaq pisortat ingerlatsiviannik pisariinnerusumik naammassisaqarfiullu arnerusumullu siunnersuutiniq tigussaasunik saqqummiussinissamik suliaqarnissaa ilanngullugu paasissutissiissutigineqassaaq. Tamatumani qitiusumik allaffeqarfissuaq kommuninillu peqateqarneq kiisalu innuttaasut katitigaanerisa aqqissuussaaniikkullu allannguutit unammillernartut allat passunnissaat pillugu pisortat ingerlatsiviannik siunissamut isumannaarinissaq aallutaralugit.

Isumalioqatigiissitap suliaassai immikkut suliaakkiummi erseqqinnerusumik nassuiarneqarput. Taakku tunngaviusumik isumagisassamik tamakkiisumik pisortallu aqqissugaanerannik qitiusumik allaffissuaq kommuninillu peqateqarneq pingaarnertut aallullugu misissueqqissaarnissamik ingerlatsinissamik, taannalu tunuliaqutaralugu pisariinnerusumik siunnerfimmullu samminerusumik, innuttaasunut qanittumik inuiaqatigiinnullu pingaarutilinnut suliaassanut ilusiliinissamut kaammattuutiniq saqqummiussinissamik imaqassapput.

- 2.3 ”Namminersorlutik Oqartussani aqqissuusseqqinnermut immikkoortortaqaqarfiup ataavartuusinnaasup” suliaasaqarfik sorleq suliarissava?

AKISSUT

Ataavartumik aqqissuusseqqinnermi suleqatigeeqarsinnaanermut isumaliutit aallaqqaammut aqqissuusseqqinnermut kaammattuutiniq atulersitsinermik ikorfartuinnermi sakkussatut Namminersorlutillu Oqartussat immikkoortui akimorlugit ingerlaavartumik malitseqartitsinermik ataqatigiissarinissamillu qulakkeerinninnermut tunngatillugu isigineqassapput.

Taamaalilluni aqqissuusseqqinnermut isumalioqatigiissitaq suliaakkiutigisaaq naapertorlugu aqqissuusseqqinnermik suleqatigiisusinnaasumut isumalioqatigiissitap kaammattuutai politikikkut isummerfigineqareerpata malitseqartitsinermik atuutilersitsinissamillu akisussaaffeqartussamut siunnersuummik suliaqassaaq. Aqqissuusseqqinnermut suleqatigiit taakku tamanna pillugu nalunaarutip ilaa, maannakkut 2026-mi tunniunneqartussatut ilimagineqartoq tunuliaqutaralugu Naalakkersuisut isummerfigissagaat tamatumunnga ilaavoq.

- 2.4 Aaqqissuusseqqinnermut isumalioqatigiissitap sulinissaanut aningaasanik immikkoortitsisoqarsimanngilaq. Qanoq aningaasalersorneqartussatut Naalakkersuisunit eqqarsaatigineqarpa?

AKISSUT

2026-mut aningaasanut inatsisissatut siunnersuummi kontumi pingaarnermi 20.01.16 *Pisortat ingerlatsiviannik aaqqissuusseqqinneq* (ingerlatsinnermut aningaasaliissutit) tassunga aningaasanik immikkoortitsisoqarpoq.

Kontumut pingaarnermut tassunga missingersuutitut tapiliussat malillugit ilaatigut:

”Kontomi pingaarnermi matumani piffissami misissueqqissaarfiusumi 2026-2027-mi aningaasanik siullermeerluni immikkoortitsisoqarpoq. Tamatuma kingorna aaqqissuusisartoqatigiit ingerlanneqarnissaannut ukiumut 6 mio. kr.-ninik immikkoortitsisarnissaq naatsorsuutigineqarpoq, taakkua suleqatigiit eqaallisaallutik sulinerinut atorineqassapput. Ataatsimiititaliaq ingerlaavartumik innersuussisarnissaa taamaalluni naatsorsuutigineqarpoq aamma 2026-p ingerlanerani nalunaarusiap immikkoortua siulleq suliarineqassasoq anguniarneqassaaq 2027-mut aningaasanut inatsisip piareersarneqarnerani sukkasuumik iluaqutaasussanik suliniuteqarnissat ilanngunneqarsinnaaniassammata. Inaarutaasumik nalunaarusiaq 2027-mi ukiup affani kingullermi tunniunneqarsinnaassasoq naatsorsuutigineqarpoq aamma aaqqissuussaanerup aaqqissuuteqqinneqarnissaanik aalajangernissamut tunngavissiisinnassaaq kiisalu aningaasanut inatsisit 2028-miit nalimassarneqaratarsinnaanerani kinguneqarsinnaassalluni.

Missingersuusiornermi eqqoriaanerit siuliani taaneqartut aningaasanut inatsisissap siunnersuusiariarneqarnerata nalaani atuukkallartuupput aamma isertitat aningaasartuutituulli ukiuni missingersuusiolfiusuni nikerarsinnaassapput.”

Attassinissamut Ineriartornissamullu Pilersaarut II

- 3 Naalakkersuisut ima paasissutissiipput:
Siunertaq tassaavoq namminersortumut immikkoortup nukittorsarnissaanik siuarsaaneq aamma aningaasarsiorneq imminut napatitsinerusoq, matumani tulluuttut ilanngullugit makku aqutigalugit:

- *Inuussutissarsiutit akileraartarnerannik aaqqissuusseqqinneq tunaartaqartoq.*
- [...] *Mingutsitsinngitsumik Siuariartornermut pilersaarummi atuutilersitsineq: akornusersuutaanngitsumik takornariaqartitsineq, nukissiuutit mingutsitsinngitsut aamma Carbon Capture and Storage (CCS).*
- [...] *aalisarnermi aningaasaqarneq pillugu ilinniarfimmik pilersitsineq aamma aalisarnermut siunnersuisoqatigiit kikkunnulluunniit attuumassuteqanngitsoq, paasissutissanik katersisarnermik nukittorsaaneq. (qup. 178-179)*

- 3.1 Inuussutissarsiortut akileraarutaannik aaqqissuusseqqinnerit suut pineqarnersut Naalakkersuisut itisilersinnaavaat? Qitiutinneqarpat kinguaariit nikittarnerat, suliffeqarfimmik nutaamik pilersitsinissamik pilerinarsaaneq imaluunniit allarluinnaq pineqarpa?

AKISSUT

Inuussutissarsiortunut akileraarusiisarnermik aaqqissuusseqqinneq arlalinnik sammisaqarfiussaaq, ilaatigullu nunanit allanit aningaasaliinerit siuarsarnerannit annertunerussallutik, suliffeqarfinnik mikisunik akunnattumillu angissusilinnik siursaassalluni, kiisalu kinguaariit nikittarneranni suut unammilligassiiisarnersut misissuiffigineqassalluni. Tamatuma saniatigut maskiinanik suliassanngortitsisarnernik aningaasaliinerit nunatsinnilu tunisassiorneq, avataanit eqqussuineramik killiliisinnaasoq aamma qissiminneqassaaq.

Inuussutissarsiornermi akileraarusiisarnermik aaqqissuusseqqinnikkut namminersorlutik inuussutissarsiortut sulinermut akuutinnessaat siunniunneqarpoq, taamaalilluni namminersorlutik inuussutissarsiortut unammilligassaristakkatut misigisaminnik aaqqiissutaasinnaasunut siunnersuutitik tikkuussisinnaaqqullugit.

Inuussutissarsiortunut akileraarusiisarnermik aaqqissuusseqqinnissamut Naalakkersuisut isummernissannut tunngavissiaq suliarineqaleruttoq. Tamatuma kingorna suliameerseqqinnerusumik paasissutissiisinnaaneq naatsorsuutigineqarpoq.

- 3.2 Konto 82.30.01 aammalu suliniutit akimorlugit, erseqqinnerusumik oqaatigalugu CCS-imut aammalu erngup nukinganik nukissiorfinnut tunngatillugu, aningaasanik 2025-mit 2026-mut agguataarinnermi allanngortoqarsimanersoq Naalakkersuisunit erseqqinnerusumik taasaqarfigineqarsinnaava?

AKISSUT

2025-mit 2026-mut kontumi pingaarnermi 82.30.01-imi suliniutit akimorlugit aningaasat agguarneqarneri allannguiffigineqanngillat, tassani CSS-imik erngullu nukinganik innaallagissiorfinnik suliniutit taaneqartut ilanngullugit. Taamaammat piffissami taaneqartumi suliniutit akimorlugit aningaasanik agguaaqqittoqarsimannginnera Naalakkersuisut uppersarsinnaavaat.

- 3.3 Kikkut aalisarnermut siunnersuisoqatigiinni kikkunnulluunniit attuumassuteqanngitsuni ilaassanersut Naalakkersuisunit paasissutissiissutigineqarsinnaava?

AKISSUT

Aalisarnermut siunnersuisooqatigiit attuumassuteqanngitsut qanoq isikkoqarsinnaanerannik, sunik suliassaqaarnissaanik kiisalu kikkut ilaasortaasinnaaneranik siunnersuisooqatigiillu qanoq ingerlanissaannik suliaq Naalakkersuisut aallartippaat. Tamanna ilaatigut Aningaasaqarnermut Siunnersuisooqatigiit isumassarsiorfigalugit pivoq. Suliaq tamanna suli naammassineqarnaniluunniit akuersissutigineqanngilaq.

- 3.4 Aalisarnermi aningaasaqarneq pillugu ilinniarfik sumi pilersinneqarlunilu aaqqissuussaanikkut sumi inissisimassava?

AKISSUT

Aalisarnermi aningaasaqarneq pillugu ilinniarfiup initatigut aaqqissuussaanikkullu Ilimmarfimmuut inissinneqarnissaa suleqatigiissitat siunnersuutigaat. Maannakkut tamanna pillugu Naalakkersuisunut siunnersuut suliarineqarpoq.

- 3.5 Aalisarnermut siunnersuisoqatigiit kikkunnulluunniit attuumassuteqanngitsut erseqqinnerusumik sumik suliassaqaassappat?

AKISSUT

3.3-mut akissut takuuk.

- 3.6 Aalisarnermut siunnersuisooqatigiit kikkunnnulluunniit attuumassuteqanngitsut aaqqissuusaanikkut sumut atassappat?

AKISSUT

Aalisarnermut siunnersuisooqatigiit attuumassuteqanngitsut Aalisarnermut, Piniarnermut, Nunalerinnermut Imminullu Pilersornermut Naalakkersuisoqarfiup ataanut inissinneqarnissaa ilimagineqarpoq, soorlu Aningaasaqarnermut Siunnersuisooqatigiit Aningaasaqarnermut Akileraartarnermullu Naalakkersuisoqarfiup ataani inissisimasoq. Tamannali aatsaat siunnersuisooqatigiinnut sinaakkutissanik sulinerup naammassineqarnerani aalajangerneqassaaq, tak. 3.3.

- 3.7 Paasissutissanik katersisarnermik nukittorsaanermik oqarnermi suna pineqarpa?

AKISSUT

Matumani angallataatillit aalisakkanillu suliffissuarnik pigisaqartut aalisarnermit nunamilu tunisassiornermit aningaasaqarnikkut paasissutissanik nalunaaruteqartarnerannik suliniarnerup pitsanngorsarnissaa pineqarpoq. Taamaaliornermi ingerlatsivik aalisarnermi aningaasaqarnermik paasisaqarluarneroqqullugu kiisalu aalisarnermi aningaasaqarnikkut misissueqqissaarnernik assigiinngitsunik kiisalu inatsisit nalunaarutillu allanngortinneqarsinnaanerisa kingunerisaannik suliaqarnissamut paasissutissanik pissarsisinnaaqullugu.

Aningaasaqarnikkut pissutsit pingaarnerit

- 4 Naalakkersuisut ima paasissutissiipput:
Taakku ataatsimut isigalugu 2026-mut aningaasanut inatsisissatut siunnersuummi aningaasaqarnikkut periarfissanik malunnaateqarluartumik ikilisitsinikuupput. Allannguutit pingaartumik utoqqalinermi soraarnerussutisianut aningaasartuutit malunnaatilimmik amerlinerannut, akileraarutinit aamma pisuussutinit akitsuutinit isertitat ikinnerulernerannut kiisalu Namminersorlutik Oqartussat ingerlatseqatigiiffiutaannit naatsorsuutigisamik pissarsiassat appartinnerannut tunngasuupput. (qupp. 180)

- 4.1 Silap allanngoriartornerata sunniutai 2026-mi aningaasanut inatsisissatut siunnersuummi qanoq annertutigisumik ilanngunneqarpat aammalu silap pissusaata allanngoriartornerata kinguneranik nioqqutissat akiisa qaffakkiartornerannut aammalu mittarfiit tikinneqarsinnaassusianni unammilligassat nunatta aningaasaqarnikkut qanoq annertugisumik piareersimaffigai?

AKISSUT

AIS2026-mi aningaasaliissutit arlallit silap allanngoriartorneranik tamakkiisumik ilaannakortumilluunniit pilernerat oqaatigineqarsinnaavoq. Tamanna assersuutigalugu attaveqaatinik pingaarutilinnik sanaartornernik aningaasaliinernillu siunnerfilinnik aningaasaliissutitut tunngavoq (umiarsualiviit mittarfiillu), taakkullu toqqaannanngitsumik silap allanngoriartorneranut patajaassutsimik nukittorsaasuupput.

Silallu allanngoriartornerata ataatsimut aningaasaqarnikkut immikkut kinguneqaataanik naatsorsuusiortoqarnanilu missingersuutitigut aaqqigalliisoqanngilaq (assersuutigalugu ataatsimut akit qaffanneri ingerlatsinermulluunniit sillimmatit tassunga tunngasut). Kalaallit Nunaat taamaalilluni attaveqaatitigut suliniutitigut ilisimasatigut/ineriartortitsinermi aningaasaliissutitigut ilaannakortumik piareersarpoq, immikkoortunili tamani ataatsimut aningaasanut inatsisikkoortumik sila pillugu aarlerinaatinik ilannguussisoqanngilaq.

Taamaalilluni silap allanngornerata inuiaqatigiinnut qanoq sunniuteqarnissanut ilimagisanik pingaarnertut misissueqqissaartoqanngilaq, soorluttaaq siunissami silap pissusaanut nalimmassarnissamut ataatsimut pisariaqartitat misissoqqissaarnernik suliaqartoqarsimanngitsoq.

Tamanna tunuliaqutaralugu EU-p mingutsitsinngitsumik siuariartornissamik pilersaarutaa ("Mingutsitsinngisumik Siuariartorneq" pilersaarummi Naalakkersuisut Europa-Kommissionillu Suleqatigiinnissamik isumaqatigiissutaani ataqatigiissarineq atuutilersitsinerlu, ulloq 10.11.2023 akuerineqartoq) aqqutigalugu silap pissusaanut periusissiamik suliaqarnissamut aningaasaliisoqarnissaa Naalakkersuisut akueraat. Siunissami silap pissusaanik unammilligassanillu sorpianik sillimmartaaruteqarnissamik paasisaqarnissaq qulakkeerniarlugu, siunissami silap pissusaanik siuartitsinernik suliaqarnissamut aningaasat taakku atorineqarnissaat ilimagineqarpoq.

- 4.2 Nioqqutissat akiisa qaffakkiartornerannut qisuariaatitut niueqatigiiffiit allat suut Naalakkersuisunit misissorneqarpat? Amerikamiut eqqussuinnermi akitsuutit qaffaagaluttuinnarnerat Kalaallit Nunaannut qanoq kinguneqassava?

AKISSUT

Naalakkersuisut tuluit naalakkersuisuiniq niuerneramik isumaqatigiissutissaq pillugu nangittumik oqaloqatiginnipput. Isumaqatigiissuteqarnissaq pillugu oqaloqatigiinnerni taakkunani

Kalaallit Nunaata kalaallit nioqqutissiaannik Tuluit Nunaannut (UK) avammut niuernera, niuerfimmullu isersinnaanerani Naalakkersuisut siunnerfeqarnerupput. Tuluit niuerfiannut, oqaluttuarisaanermi pingaaruteqartorujussuusimasumi, sulilu niuerfittut pingaartorujussuarmut kalaallit nioqqutissiaannik eqqussinermi tuluit akitsuutaasa annikillinissaa peerneqarnissaaluunnniit Naalakkersuisut isumaqatiginninniarnerni siunertaraat. Kalaallit Nunaanni suliffissuit oqaloqatiginninnernut taakkununga tapersersuipput.

Naalakkersuisuttaaq Amerikap avannaanik eqqussuinermit sinaakkutit aalluppaat. Niueqatigiinnerulernissamili assartuinikkut pissutsit tunngaviusumik unammilligassaqartitsipput. Assartuinermit periarfissat ajornakusuussappata akisullutilluunniit, tamanna eqqussuinermit nioqqutissallu maanna niuerutigineqartunit allaanerusunik eqqussuinermit atuisunullu akinut pitsaanngitsumik sunniuteqassaaq.

Amerikamiut eqqussuinermit akitsuusiussaata annertusiartortup 10 procentiusup kalaallit USA-mut niuernerannik maanna ingerlasumut killiliinissaa ilimagineqartoq, namminersorlutik inuussutissarsiortut oqaatigaat. Tamanna kalaallit Nunaata USA-mut toqqaannartumik niuernerata killilerujussuunerani ataqatigiiffeqarsorinarpoq.

USA-p akitsuusiussaata nunanit allanit akitsuutiniq qaffakkiartortunik illuatungilerneqassapata, tamanna nunarsuarmi niuernikkut aalassassimaarnikkut assartuinermit aningaasartuutit qaffasinnerulernerisigut, nunarsuarmi aningaasarsiornerup siuariartornerata appasinneruneratigut aalisakkanilluunniit niuffaffinni aalaakkaasuunnginnermik malitseqarsinnaavoq. Tamatuma saniatigut akitsuutit atorlugit saqitsaanneq aningaasat nalinginik piumanninnermullu sunniummik malitseqarsinnaavoq, dollarimmi nalinga Amerikamiullu atuinerat nunarsuarmi aalisakkat akiinut toqqaannanngitsumik sunniuteqarsinnaammat. Tamatumali sunniutaa arlaatigut kisitsisinngortinneqarsinnaanngilaq.

Maannakkut toqqammaviusut tunngavigalugit Amerikamiut akitsuusiussaata nutaat Kalaallit Nunaata avammut niuerneranut toqqaannartumik sunniuteqassannginnissaat ataatsimut naliliutaavoq. Nunarsuarmili niuernerup aningaasallu ingerlaarneri aqqutigalugit annikinnerusumik toqqaannanngitsumik aarlerinartoqarsinnaavoq.

- 4.3 Pisuussutiniq nalittorsaanerup nunani allani pinnani Kalaallit Nunaanni annertunerusumik pinissaata taamaalillunilu nioqqutissanik nunatsinneersunik nalitunerulersitsinissap qulakkeernissaanut qanoq periarfissaqarpa?

AKISSUT

Kalaallit isumalluutaasa nalituseriarnerisa annertunerusumi piffinni pinissaat qulakkeerniarlugu, nalitusiartornerup tamarmiusup nukittorsarnissaa immikkut pingaaruteqarpoq. Tassa tunisassiasap qaqinneqarneranit passunneqarneranut, suliarineqarneranut tunineqarneranullu ingerlaarfii tamakkerlugit. Piffinni tunisassiornermut suliarinnittarnermilu naammassinnissinnaassutsimut aningaasaliineq suliarineqanngitsunik avammut niueruteqartarnermut taarsiullugu, maani nunatsinni tunisassiasanik annertunerusumik suliarinnissinnaanngortitsisinnaavoq. Peqatigisaanik sulisinnaasut piginnaasaasa ineriartortinnissaat pingaarpoq, taamaalilluni amerlanerusut nalitusiartortitsinermi piginnaaneqarfiulluartumik suliaqarnermut ilaasinnaaqqullugit. Piffinni tunisassiornerup, nioqutissiortullu tusaamalluarneqarnerulernerisa siunnerfilimmillu nittarsaassinerup akuleriissinnerisigut avammut tunisat nalingat qaffatsissinnaavaat, suliffinnik amerlanerusunik pilersitsillutik pinngortitamilu pisuussutit nalingisa annertunerusut Kalaallit Nunaanniinnarnerat qulakkeerlugu.

- 4.4 Nunatsinnut eqquusuinerup annikinnerulersinneqarnissaanut taarsiullugulu imminut pilersornermi tunngavissap annertunerulernissaanut Naalakkersuisut qanoq pilersaaruteqarpat? Konto pingaarnermi 51.07.08-mi, *Kalaallit Nunaanni Imminut pilersornerup inerisarneqarneranut tunngasumi*, aningaasat immikkoortinneqartut atorneqarnissaat Naalakkersuisut itisilersinnaavaat?

AKISSUT

Kalaallit Nunaanni Imminut pilersornissamut periusissiaq 2025-2030 innutaasut sapinngisamik amerlanerpaat inuussutissanut pitsaasunut, peqqinnartunut periarfissaannik kiisalu kalaallit tunisassiaat aqquutigalugit inuussutissatigut isumannaatsuunerup pitsanngortinneqarneranik misiginissap pitsanngorsaavigineqarnissaanut inuussutissanik nioqutissanut takorluugaqarfiusoq Naalakkersuisut 2024-mi akueraat. Anguniakkat anguniakkallu ilaannut tunngatillugu taakku periusissiami taaneqartumi atuarneqarsinnaapput.

Naalakkersuisut malitseqaataasumik periusissiamik, pisariaqartitanik allanik aallussisumik suliaqarnissamik siunertaqarput.

Kontumut pingaarnermut 51.07.08 *Kalaallit Nunaanni Imminut pilersornerup inerisarneqarnera* Kalaallit Nunaanni inuussutissarsiornikkut suliniutinut, kalaallit tunisassiaannik nunatsinni pissarsisinnaanerup annertusarneranut Kalaallit Nunaata imminut pilersorneranut ilapittuisunut tapiissuteqartarnissaq siunertaavoq.

Suliffeqarfiit namminneerlutik tapiissutunik qinnuteqartassapput.
Suliffeqarfiit Kalaallit Nunaanni angerlarsimaffeqassapput,
tapiissuteqarsinnaanermullu pisuussutunik nammineq pigineqartunik
tamakkiisumik atuisinnaatitaaffeqartoqassaaq.

5 Naalakkersuisut ima paasissutissiipput:

*Tamakku ilutigisaannik ataatsimut isigalugu akileraarutinit
isertinneqartartunik appaaneq pisimavoq, piffissap 2026-2029-p
ingerlanerani ikileriaatit 278 mio. kr.iunissaat missingerneqarluni.
Ineriartorneq ilaatigut nuna tamakkerlugu akileraarutip
appasinneranit patsiseqarpoq, tamatuma aningaasaqarnikkut
ineriartornerup kigaannerulerneranut politikikkullu allannguutitut
sunniuteqarnikuuvoq – matumani 2025-mit inunnut ilanngaatic
qaffanneqarnera ilanngullugu. Aammattaaq pisortat
suliffeqarfiutaannit suliffeqarfinnut akileraarut
appartinneqarnikuuvoq, isertitat ikinnerulernerisa kingunerisaanik.
(qup. 180-181)*

- 5.1 Isertitsissutaasinnaasutut periarfissat allat pilersinneqarsinnaasut suut
Naalakkersuisunit misissuiffigineqarpat? Tassunga ilanngullugu
takornariaqarnermi isertitsissutaasinnaasunik nutaanik suli
peqarnersoq ilanngullugu paasissutissiissutigineqassasoq
kissaatigineqarpoq.

AKISSUT

Kalaallit Nunaata aningaasaqarnerata arlariinnik
toqqammaveqartinnissaanik ungasissumut sammisumik allussinermut
atatillugu, Naalakkersuisut ukiuni arlalinni inuussutissarsiornermi
isertitassanut periarfissat assigiinngitsut nukittorsarnissaat
sulissutigaa. Aatsitassanut immikkoortoq siuariarfissat ilaat,
ungasinnerusorlu isigalugu Kalaallit Nunaata aningaasaqarneranik
nukittorsaaasinnaasutut naatsorsuutigineqarpoq. Kingullertigut
kujataani kuultisiorfiup Amarumit kuultimik niuernikkut tuniniaaneq
aallartippaa, soorluttaaq ingerlaavartumik qalluinissamik suliniutit
arlallit pilersinneqarnissaat sulissutigineqartoq – taakkulu ukiuni
kingullerni ilaatigut nunarsuarmi ilisimanninnerulerneq aatsitassanillu
pingaarutilinnik aallussinerup annertusinera tunuliaqutaralugu
annertusarneqarput. Takornariartitsinermut immikkoortumi ukiuni
kingullerni ineriartornerup nunatsinni illoqarfinni arlalinni
annertuumik siuariartoqartoq takutippaa. Ineriartorneq attaveqaatinik
pitsannguignernik arlalinnik ikorfartorneqarpoq, tassani hoteliliornerit
mittarfinnillu alliliinerit, kiisalu ukiunut qulinut immikkoortumut
pilersaarut qanittumi akuerineqartoq takornariartitsinermullu inatsit
ilanngullugit. Immikkoortumut pilersaarut takornariat,
suliffissaqartitsinerup, naammassinnissinnaassutsimik atorluaanerup
ukiunilu aggersuni takornariat ataatsimut avammut niuernermut

nalingisa amerlinissaannik anguniagaqarpoq. Anguniakkat taakku sinaakkutitigut atugassarititat pitsanngorsarnerisigut, tikittunik isumaginnittut nukittorsarnerisigut, piginnaasanik ineriartortitsinerup piujuartitsinerullu annertusisamik aallunneqarnerisigut anguneqassapput. Suliniutit inuussutissarsiornermi isertitassanik periarfissat nutaat annertusisallu qulakkiissavai. 2023-mit kisitsit takornariartitsinerup Kalaallit Nunatsinni aningaasaqarnikkut pingaarutaa annertusoq takutippaat. Tamatuma saniatigut takornarianik naatsorsuutunik, siunissami ineriartornermik taassuminnga uppersaasussamik suliaqarnissamut suliniuteqartoqarpoq. Isertitassatigut periarfissanut allanut tunngatillugu, Naalakkersuisut ilaatigut CO2-mik katersinermut toqqorsinissamullu sinaakkutitigut atugassarititanik, erngup nukinganik innaallagissiorfinnik pilersitsinermik, datacenterinik, aallarnisaanernik suliniuteqarput, startupsinik kiisalu nilannik imermillu avammut niuernermit suliniutinik suliaqarput. Tassunga atatillugu aningaasaqarnikkut nalitunerulersitsinerit annertunerpaartaat Naalakkersuisut namminneerlutik suliniutinik aallartitaaneersuusanninnerat, namminersorlutilli inuussutissarsiorlut aningaasaliinerinit suliniutaannillu pisarnerat, erseqqissassallugu pingaaruteqarpoq. Suliffeqarfiit suliffinnik pilersitsisarput, tunisassianik nutaanik sullississutinillu ineriartortitsisarlutik aningaasaqarnikkullu aarlerinaatinik inuussutissarsiornermik ingerlatsinermut ineriartortitsinermullu attuumasumik tiguisarlutik. Naalakkersuisut aalaakkaasunik siumullu takorlooruminartunik sinaakkutitut atugassarititanik, siunnerfilinnik attaveqaatinut ilinniartitaanermilu aningaasaliinikkut kiisalu immikkoortunut pilersaarutitigut inatsitigullu atugassarititatigut ineriartorneq ikorfartorsinnaavaat, nalitunerulersitsinerli nammineq namminersorlutik inuussutissarsiorlut suliniuteqarnerisigut aningaasaliinerisigullu pisarpoq.

5.2 Nunatta Danmarkillu akornanni marloqiusamik akileraaruteqannginnissamik isumaqatigiissutip allanngortinneqarnissaa siunertaralugu Danmarkimut isumaqatiginninniarnissamik aallartitsinissamut Naalakkersuisut qanoq pilersaaruteqarpat?

Tassunga ilanngullugu Namminersorlutik Oqartussani sulisut sumiluunniit najugaqaralarunik tamarmik Kalaallit Nunaannut tamakkiisumik akileraartussaataa anissaat pilersaarutitut ilaatinneqarnerisigut ilanngullugu paasissutissiissutigineqassasoq kissaatigineqarpoq.

AKISSUT

Maannakkuugallartoq marloqiusamik akileraaruteqannginnissamik isumaqatigiissutip (MAI) allanngortinnissaa pillugu Danmarkimik

isumaqatiginninniarnissamik aallartitsinissamik
pilersaaruteqartoqanngilaq. Danmarkimik (MAI) kingullermik ulloq
19. august 2024 allanngortinneqarpoq. Tamanna ukiuni arlalinni
ilungersunartumik ingerlatsisoqareersoq, tassanilu piffissami
sivisuumi isumaqatiginninniarnerni illuatungeriit isumaat imminnut
ungasissorujussuusimapput.

Tulliuttut marloqiusamik akileraaruteqannginnissamik
isumaqatigiisummi (MAI) allassimapput: Inuk tunngaviit malillugit
najugaqarpat, najugaqarallarpat assigisaanilluunniit naalagaaffiup
immikkoortuini tamani najugaqarpat, naalagaaffiup ilaani
minnerpaamik qaammatini arfinilinni najugaqarfigisamini
akileraartarnikkut najugaqartutut naatsorsuunneqassaaq. Naalagaaffiup
illaanit pineqartumit feeriarnerni assigisaanilluunniit sivikinnerusumik
kipititsigallarnerni isiginierneqartassanngillat. Qaammatini arfinilinni
Kalaallit Nunaanneereermermi, Kalaallit Nunaat najugaqarnerup
aallartinneranit nunatut najugarisatut isigineqassaaq.

Pisortani atorfeqartunut tunngatillugu MAI-mi immikkut
malittarisassaaq, nunap najugaqarfiup akileraarusiisinnatitaaffia
taamaallaat attanneqassaaq, suliaqarneq ullunik malittunik 60-inik
amerlanerusuni pinngippat, pineqartorlu sulisitsisuminit
nalinginnaasumit suliaqartinneqarlunilu akissarsiaqartinneqarpat.

MAI-mik allannguinerup isumaqatigiisuteqarfigisamik
isumaqatiginninnialerneq kingunerissavaa. Isumaqatiginninniarnerni
taakkunani illuatungeriinnermik periuseq malillugu
akileraarusiisinnaassutsip agguarnissaa aallaaviussaaq. Danskit
naalagaaffiat taamaalilluni Kalaallit Nunaanit
piumasaqaataasinnaasunut akissutitut piumasaqaatinik
saqqummiussissaaq. Akissutitut piumasaqaataata taamaattup
naalagaaffiup Kalaallit Nunaanni atorfeqartitaasa annertunerusumik
Danmarkimut akileraartinneqarnerannik imaqarsinnaanera
ilimagilluarneqarsinnaavoq. Tamanna killormut iluanaarutininik
annikigisassaanngitsunik annaasaqarnermik malitseqarsinnaavoq,
taakkulu ataatsimut naliliinnermut ilanngullugit aamma
naatsorsuunneqartariaqarput. Danmarkilli tassunga atatillugu
isumaqatiginninniarnerni inissisimaffia ilisimaneqanngilaq.

Naggasiullugu MAI-p imarisaata aningaasarsiat
akileraaruserneqartarnerat pillugu Inatsisartut inatsisaannik
qaangiisumik Kalaallit Nunaata akileraarusiisinnatitaaffianik

annertusisitsinnaannginnera oqaatigineqassaaq. Sulisut pineqartut Kalaallit Nunaata nunami akileraarusiisarnermik malittarisassai malillugit tamakkiisumik akileraartussaataasinnaanngillat, tamannalu aamma nunatsinni akileraarusiisarnermik inatsimmik allannguisoqarnissaanik malitseqassaaq.

- 5.3 Piffissap ilaannaani aalajangersimasumi sulisartut nunanit allaneersut malittarisassat malillugit eqqortumik akileraartussaataasutut nalunaarsorneqarnissaat Naalakkersuisunit qanoq qulakkeerneqartarpa? Piffissap ilaannaani aalajangersimasumi sulisartut Kalaallit Nunaanni ullormi siullermi sulilernerminnit akileraartaleraluarpa qanoq isertitaqaataassagalarpa?

AKISSUT

Naalakkersuisut aallaqqaasiullugu inussiarnersumik § 37 naapertorlugu apeqqut 2025/62-mut akissut innersuussutigissavaat, tassani Naalakkersuisut apeqqutit pineqartut siusinnerusukkut itisiliiffigaat.

Tamatuma saniatigut *Inatsisartut inatsisaat nr. 62, 25. november 2024-meersumi* §§ 7-8 malillugu takornariartitsinermik suliffeqarfimmik ingerlatsinissami akuersissuteqarnissaq piumasaqaataavoq. Piumasaqaatit ilaat ingammik inuit tamakkiisumik Kalaallit Nunaanni akileraartussaataasussaanerannut tunngapput, inatsisillu isaanni inuit nunatsinni takornariartitsinermik ingerlatsinnaanermi Kalaallit Nunaanni angerlarsimaffeqarnissaannut tunngapput.

Tamatuma saniatigut inuit piffissap ilaani nunatsinni sulisut – Aningaasarsiat akileraaruserneqartarnerat pillugu Inatsisartut inatsisaanni nr. 12-mi kingusinnerusukkut allannguuteqartumi § 2, imm. 1, nr. 1 malillugu sulinerup ullut 14-nit nunatsinniinnermik sivilunerunnginnera tunngavissaatillugu – killilimmik Kalaallit Nunaannut akileraartussaataitanertut isigineqartarnera Naalakkersuisut paasissutissiissutigissavaat. Pisuni taamaattuni akileraartussaataasoq aningaasarsianit akileraarutit pillugit inatsimmi § 79 malillugu Akileraartarnermut Aqutsisoqarfimmit skattekortimik sanaanneqarnissaminut pisussaaffeqarpoq, sulisitsisorlu aningaasarsianit akileraarutit pillugit inatsimmi § 76 malillugu akileraarutiniq A-nik ilanngaasiinissamut akisussaaffeqarpoq. Periutsip tamakkiisumik akileraartussaataasunut atuuttut assigai, tamatumalu akileraarutit A-t ingerlaavartumik ilanngaanneqarlutik, nalunaarutigineqarlutik Akileraartarnermut Aqutsisoqarfimmut eqqortumik akilernerqartarnissaat qulakkeerpaa.

Tamatuma saniatigut Akileraartarnermut Aqutsisoqarfik nuuttunut danskisut tuluttullu Sullissiviup AKA-llu nittartakkakut qupperneratigut ilitersuummik neqerooruteqarpoq.

- 6 Kalaallit Nunaanni innuttaasut ikittuinnaammata nunanut allanut sanilliullugu CO₂-mik aniatitsineq annikitsuaraannaassasoq isumaqarnarpoq. Tamatuma peqatigisaanik Kalaallit Nunaata aniatitaata annikitsuaraannarmilluunniit qaffariarnera suliffeqarfinnut/ingerlatseqatigiiffinnut ataasiakkaanut aningaasaqarnikkut annertoorujussuarmik kinguneqarsinnaavoq.
- 6.1 Tassunga atatillugu Naalakkersuisut qanoq siunnersuutissaqarpat? CO₂-mik aniatitsinerup annertussusia isiginiaatigalugu suliffeqarfiit annertusarnissaannut qanoq periarfissinneqarnissaat Naalakkersuisunit eqqarsaatersuutigineqarpare?

AKISSUT

Kalaallit Nunaata Parisimi isumaqatigiissummut ilanngunnerata, Kalaallit Nunaata sapinngisani malillugu silap allanngoriartorneranut, nunami pissutsit eqqummaariffigalugit akiuunnermut ilapittuinissaa malitsigaa, tassani aningaasaqarnikkut ineriartornermi anguniakkat ilanngullugit.

Tassunga atatillugu isumaqatigiissutip anguniagaasa naammassinissaat siunertaralugu Kalaallit Nunaat nunami silap pissusaanut ilapittuutitik suliaqarnissamut, nalunaaruteqarnissamut atuutsitsinissamullu pisussaaffeqarpoq ('Nationally Determined Contributions' imaluunniit 'NDC').

Ilanngunnermut atatillugu Naalakkersuisut nuna tamakkerlugu klimamut periusissiamik, Kalaallit Nunaata NDC-mut tunngavigisassaanik suliaqarnermik aallartitsipput. Periusissiami tassani gassit silaannarmik kissatsiartortitsisartut aniatinneqarnerisa annikillisinneqarnissaat kisimi aallunneqanngilaq, aammali mingutsitsinngitsumut ikaarsaarneq, klimamut nalimmassarneq aningaasaqarnikkullu ineriartorneq aallunneqarput.

Naalakkersuisut ilanngunneq aningaasaqarnikkut siuariartornermut killiliisutit isiginngilaat, klimamulli qajassuussisumik ineriartornermik pilersitsinissamut periarfissatut isigalugu.

- 6.2 CO₂-mut akitsuutit qaffakkiartornerat Royal Arctic Linemut aningaasaqarnikkut qanoq kinguneqassappat?

AKISSUT

Royal Arctic Linip ingerlatseqatigiiffiup EU-mi EU-p CO₂-mik kvoteqartitsineranut (ETS - Emissions Trading System), EU-p/EØS-ip imartaanni angalanernut tunngasumut ilaareernera

paasissutissiissutigaa. Aaqqissuussineq kittaartumik atulersinneqarpoq, 2026-milu tamakkiisumik atulersinneqassalluni. Aaqqissuussineq tamakkiisumik atuutilerpat, ukiumoortumik aningaasartuutit DKK 25 mio. kr.-t missaanniinnissaat ilimagineqarpoq.

Tamatuma saniatigut Naalagaaffiit Peqatigiit imarsionermut kattuffiannit (IMO) nunat tamat akornanni klimamut akitsuut nutaaq, 2025-mi ukiakkut akuersissutigineqarnissaanik ilimagineqartoq utaqqineqarpoq. Naak sukumiisortai suli aalajangersarneqanngikkaluartut, taamaattoq naatsorsuutaagallartut akituut RAL-imut annertuumik aningaasartuuteqarnerutitsisinnaasoq takutippaa:

- **Takorluugaq pitsaaneq:** DKK 256 mio. 2028-2037-nit aningaasartuutissat.
- **Takorluugaq pitsaannginnerpaaq:** DKK 439 mio. 2028-2037-nit aningaasartuutissat.
- Akitsuut 2028-mit eqqukkiartorneqalissaaq, kingornalu piffissap ingerlanerani annertusiartussalluni. Taamaalilluni aallaqqaammut (2028) aningaasartuut appasissaaq, piumasaqaatillu sukannerneruleriartornerat malillugu annertusiartussalluni.

Aningaasartuutaanerusut klimamut tunngasut tapini pioreersunut (uuliamut aningaasallu nalinginut tapi BAF/CAF aamma ETS) ilanngullugu naatsorsorneqassaaq. Aningaasartuutit naggataagut atuisunit akileneqarnissaat tamatuma kingunerissavaa.

- 6.3 CO₂-mut aammalu avatangiisinut tunngasumik akitsuutit innuttaasunut nioqqutissat akiinut qanoq sunniuteqassappat?

AKISSUT

Kalaallit Nunaanni CO₂-mut akitsuutinik atulersitsisoqarnikuunngilaq, taamaammallu innuttaasut nioqqutissat akii akitsuummik taamaattumik toqqaannartumik sunnerneqanngillat. Akerlianik avatangiisinut immikkoortumi ukiut amerlasuut matuma siorna nukissiamik pilersitsinermi tunisassiat killilimmik avatangiisinut akitsuuserneqarput. Akitsuut gasimut dieselimut kiisalu benziinamut sumulluunniit liiterimut 10 øriuvoq. Akitsuut taanna 2026-mut aningaasanut inatsisissatut siunnersuummi 2026-mi 18 mio. kr.-t missaannik killilimmik iluanaaruteqarfiusasutut missingerneqarpoq. Isertitat Avatangiisinut Aningaasaateqarfimmut atugassiaapput.

Iluanaarut aningaasaqarnermut tamarmiusumut atuinermilu aningaasartuutinut tamakkiisunut sanilliullugu killeqartorujussuummat, akitsuutip atuisunut akinut sunniutaa annikitsuararsuusutut nalilernerneqarpoq. Inuiaqatigiinni akit

qaffasissusaannik sunniiniarnani, piujuartitsinerusumik nukissiamik
atuinissamut sammititamik pilerilersitsinissamut sunniut
pingaarnertut sammitinneqarpoq.

7 Naalakkersuisut ima paasissutissiipput:

*Piffissap 2026-2029-p ingerlanerani aningaasartuutit 348 mio. kr.-
inik amerleriaateqassasut naatsorsuutigineqarpoq, tamanna
inatsisitigoortumik aningaasartuutitut tamarmiusunut amerlinerisa
75 procentit missaannik naleqarpoq. Amerleriaat innuttaasut
utoqqaat amerlanerulernerannik, kiisalu soraarnerussutisiallit
amerlanerulernerannik, kisianni ikorsiissutunik siusinnerusukkut
pitsannguuteqartitsinerit aamma sunniuteqarnerannik
patsiseqarpoq. (qup. 180)*

- 7.1 Taamatut ineriartortoqarnerata kingunerisassai iliuuseqarfiginiarlugit
Naalakkersuisut suliniutinik aallartitsilersaarpat? Tassunga
ilanngullugu Kalaallit Nunaata nunanit allanit assingusunik
unammilligassalinnit isumassarsiorsinnaanera misissorneqarnersoq
pillugu paasissutissinneqarnissat ataatsimiititaliamit
kissaatigineqarpoq.

AKISSUT

Aaqqissuussinernik suliniutinillu aningaasaqarnermik
patajaannerulersitsillunilu siunissamut ungasissumut
qulakkeersinnaasunik atuutilersitsinissaq pisariaqarpoq. Apeqquut 2.1-
2.3-mut akissut naapertorlugu suleqatigiissitamik immikkut
ilisimasalinnik inuttalimmik aallamik, soraarnerussutisianik
aaqqissuusseqqinnissamik kaammattuuteqartussanik
pilersitsisoqassaaq. Tamanna naalakkersuisooqatigiinnermut
isumaqatigiissut malillugu pissaaq. Soraarnerussutisiaqarnermik
aaqqissuusseqqinneq sorarnerussutisiaqartitsisarnermut
immikkoortumik siunissamut isumannaarinissamik siunertaqarpoq,
taamaalillunilu Kalaallit Nunaata ataatsimoortumik aningaasaqarnerata
innuttaasut katitigaanerisa ineriartornerannik
nammassinnaanngortinnissaa qulakkeerneqarluni. Tamanna aamma
Attassinissamut Ineriartortitsinissamullu Pilersaarut II-mi
takuneqarsinnaavoq.
Suleqatigiissitaq immikkut ilisimasalinnik inuttalik sulinermini
nunanit allanit isumassarsiussaaq.

- 7.2 Utoqqalinermi soraarnerussutisiallit suliffeqaannarsinnaanerisa orniginarnerulernissaanut Naalakkersuisut qanoq pilersaaruteqarpat pilersaarutillu taakku qanoq sunniuteqartussatut Naalakkersuisunit naatsorsuutigineqarpat?

AKISSUT

Ullumikkut utoqqalinersiuteqaraluarluni sulinissamut periarfissat pitsaasuupput, utoqqalinermini soraarnerussutisiat saniatigut sulisinnaanermut malittarisassat pisariinnerulersinnissaannut pisariaqartitsisoqarsinnaanera Naalakkersuisut akueraat. Suleqatigiissitap immikkut ilisimasalinnik inuttaqartussap soraarnerussutisiaqartitsisarnermik aaqquissuussinermik paasiuminarnerulersitsinissamik kaammattuutunik saqqummiussinissamik suliassaqqarpoq, tassani utoqqaat naak utoqqalinersiuteqaraluarlutik sulisinnaanerannut eqqortunik pilerilersitsisussanik aaqquissuussaqqarnerata qulakkeernissaa ilanngullugu.

- 7.3 Tassunga atatillugu allannguutissatut siunnersuut una 2024-mi upernaakkut ataatsimiinnermi immikkoortoq 50-imi akuersissutigineqarpoq: Utoqqalinersialinnut isertitani killigititanik piigaqarneq pillugu siunnersuummi kingunerisassanik Naalakkersuisut naatsorsueqqullugit peqquneqassasut. Naatsorsuusiata *kingusinnerpaamik Inatsisartut 2024-mi ukiakkut ataatsimiinneranni* Inatsisartunut saqqummiunneqassapput.

Immikkoortup tamatuma malitseqartinneqarnissaa ataatsimiititaliamit kissaatigineqarpoq, tassungalu ilanngullugu naatsorsuinerit pineqartut aallartinneqarsimanersut paasissutissiissutigineqassalluni. Kingunerisassat pillugit paasissutissat pigineqarpata tigunissaat ataatsimiititaliamit naatsorsuutigineqarpoq.

AKISSUT

Erseqquissuutitsinissaq pillugu 2024-mi ukiaanerani ataatsimiinnerup Inatsisartunut qinersisitsisoqarnera pissutigalugu taamaatinneqarnera oqaatigineqassaaq. Aalajangernerup inatsisitigut toqqammavia pisumut tassunga ilanngullugu atorunnaarpoq.

Naalakkersuisulli suliaq nangittumik suliaraat, nassuiaallu sapinngisamik piaarnerpaamik tamanut saqqummiunneqassaaq. Suleqatigiissitamik immikkut ilisimasalinnik inuttalimmik ataatsimut soraarnerussutisiaqartitsisarnermik aaqquissuussinermik misissuisussamik pilersitsinissap aalajangerneqarsimanera, ilanngullugu oqaatigineqassaaq. Taamaammat nassuiaat aallaqqaammut suleqatigiissitamut attuumassuteqassasoq

ilimagineqarpoq, Naalakkersuisummi
soraarnerussutisiaqartitsisarnermik aaqqissuussinerup
annertunerusumik allanngortinnissaanik siunnersuummik
saqqummiussitinnatik, suleqatigiissitap immikkut ilisimasalinnik
inuttalikkap sulinera utaqeqqaarumammassuk.

Aningaasaqarnikkut ingerlatsineq aningaasaqarnikkullu piviusut

8 Naalakkersuisut ima paasissutissiipput:

*Naalakkersuisoqatigiinnissamut isumaqatigiisummi aamma
Attassiinnarnissamut Ineriartortitsinissamut Pilersaarut II-mi nunami
inuussutissarsiorlut ineriartornerisa siuarsarnissaannut atugassatut nunami
allammiut aningaasaliissuteqarneri pingaaruteqartorujussuupput. Nunami
allamiut ingerlatsisut maani aningaasaliigaangamik taamaallaat
aningaasanik pilersuineq ajorput, kisiannili aamma teknikikkut ilisimasanik,
niuernikkut piginnaasanik aamma nunarsuarmi niuerfinnut isersinnaanermut
ammaassisarlutik. (qup. 186)*

- 8.1 Aningaasaliisartunut nunani allaneersunut ingerlatseqatigiiffinnillu
nunani tamalaani ingerlatsisunut orniginarsaanerup ilaatut Kalaallit
Nunaanni qarasaasiaqarfinnik pilersitsinissamut Naalakkersuisut
qanoq pilersaaruteqarpat?

AKISSUT

Qarasaasiaqarfiit kallerup inneranik mingutsitsinngitsumik
atuisuusinnaanerat Naalakkersuisut soqutiginartutut isigaat.
Utoqqarmiut Kangerluarsunnguanni erngup nukinganik
innaallagissiorfimmik allilerinerup sinnilimmik innaallagissiornissaq
malitsigissavaa, tassanilu qarasaasiaqarfiit kallerup inneranik
mingutsitsinngitsumik pilersitamik atuisuusinnaanerat periarfissaavoq.
Atuisuusinnaasut qulaajaaviginerannik suliaq aallartinneqarpoq,
tassani qarasaasiaqarfiit ilanngullugit.

Tasersiami Tarsaartullu Tasiani erngup nukinganik
innaallagissiorfimmut periarfissap suliariumannittussarsiuunneranut
atatillugu qarasaasiaqarfiit suliffissuarni atuisuusinnaapput.
Suliffissuilli atuisuusinnaasut suunerinut piumasaqaatinik
aalajangersagaqanngilaq.

- 8.2 Konto pingaarnermi 24.11.24-mi, aatsitassanut, sermimut imermullu
akitsuutitut tunngasumi, 2026-mi siunissamilu 0 kr.-inik
isertitaqartoqarnissaata nassuiarneqarnissaa ataatsimiititaliamit
qinnutigineqarpoq.

AKISSUT

Kontumi pingaarnermi annertunerusumik isertitaqarnissamik ilimagisaqartoqannginnera tamatumani patsisaavoq. Manna tikillugu immikkoortumi isertitat killeqarneri pissutigalugit 0 kr.-t qaangerlugit aningaasaliinermik aalajangersaanissamut pissutissaqartinngilaat. Tamanna tunuliaqutaralugu siunissami qaninnermi kontumi pingaarnermi taasarialinnik isertitaqartoqarnissaa ilimagineqanngilaq.

Akilerarutitigut isertitanik malitseqaataasumik isertitaqartoqarsinnaavoq. Isertitanulli taakkununga erseqqisumik missingiisinnaaneq pisinnaasimanngilaq, tamatumanimi qinnuteqaatit qanoq amerlatigisut tunniunneqarnerat akuersissutillu tunniunneqartut apeqqutaassammata.

9 Naalakkersuisut ima paasissutissiipput:

Suliffissarsiortut nalunaarsorsimasut amerlassusaat 2024-mi unikaallassimagaluarput massakkullu ukiuni arlaqalersuni siullermeerluni nunatsinni suliffissaaleqisut amerliartortut isikkoqalerput [...] Suliffissaaleqisut amerliartornerinut suliffeqartut ineriartornerinullu kiisalu suliffeqarnermi tunniussimanissaannut kajumissutsinut tunngatillugu apeqqutit nunatsinni kommunit Naatsorsueqqissaartarfillu suleqatigalugit misissoqqissaagassaapput. (qup. 191)

9.1 Pingaartumik Kalaallit Nunaanni ilinniagartuutut ilinniartitaanermut atatillugu sulinermik misiliiffissat amerlanerusut pilersinniarlugit Naalakkersuisut qanoq pilersaaruteqarpat?

AKISSUT

Inuussutissarsiutinik ilinniartitsinerit pillugit Inatsisartut inatsisaat nr. 31, 4. juni 2024-meersoq naapertorlugu qitiusumik ilinniarkinna tamani sulisitsisarnermik ataqatigiissaarisumik atorfinnik, sungiusaammik suliffissanik amerlanerusunik pissarsinissaq siunertaralugu ornigulluni suliaqartartussamik pilersitsisoqassaaq.

Ataqatigiissaarisut taakku maanna qitiusumik ilinniarkinna tamani pilersinneqareersimalerput, sungiusaatigalugu suliffissanik amerlanernik pissarsinissaq siunertaralugu, 2025-mi ukiakkut Kalaallit Nunaanni suliffeqarfinnut kattuffinnullu tamanut ornigulluni suliaqartarnissaq siunertaralugu immikkut ilinniartinneqassallutik. Tamatuma saniatigut pikkorissarnermi ilaatigut qitiusumik ilinniarkinna akimorlugit suleqatigiinneq aallunneqassaaq, taamaalilluni suliffeqarfinnik sungiusarlutik sulisussanik amigaateqartunik imminnut innersuussisinnaaqullugit.

Tamatuma saniatigut 2025-mi ukiunera 2026-llu upernaanerani filmi atorlugu paasisitsiniaanissat Kalaallit Nunaanni suliffeqarfinnut kattuffinnullu tamanut siunnerfeqartinneqartut pilersaarutigineqarput. Filmini suliffeqarfinni sungiusarluni sulisussamik atorfinitsitsinissaq

aallunneqassaaq, taannalu inuinnaat qarasaasiakkut
naapeqatigiittarfiini TV-kkullu takusassiarineqassaaq.

Suliffeqarfiit arlallit sungiusarlutik sulisunik ilitersuisunik
pikkorissaanissat ujartorpaat, taamaalillutik sulisunik sungiusarlutik
sulisunik sullissinissamut ilinniarsinnaaqullugit, taamaalillunilu
suliffeqarfik suliasamik isumaginnilluarsinnaaqullugu, inuusuttullu
amerlasuut ilinniarnerminnik kipititsiinnartarnerat
pinngitsoortinneqarsinnaaqullugu.

Pikkorissarneq tamanna Naalakkersuisut Siulittaasuata
Naalakkersuisoqarfiani HR-imik ineriartortitsivimmit siorna
ineriartortinneqarpoq, FOKU-lu ataqatigiiffimmi suliffeqarfinnut
kattuffinnullu tamanut pikkorissarnernik neqeroorutigineqartussanut
ilaalluni. Pikkorissarneq ullunik pingasunik sivilissuseqarpoq,
iluaqutaasumillu Kalaallit Nunaanni suliffeqarfinnut tamanut,
sungiusarlutik sulisoqarusuttunut, pisortallu
suliffeqarfiinnarinngisaannut taakkuluunniit immikkoortuinuinaq
neqeroorutigineqarnani tamanut neqeroorutigineqarsinnaalluni.

Taamaammat Ilinniartitaanermut, Kulturimut, Timersornermut
Ilageeqarnermullu Naalakkersuisoqarfik tamatuma
periarfissaanissaanik sulissuteqarpoq.

Missingersuutit inissisimanera 2026 – Pisortat aningaasartuutaasa amerliartornerisa killissaa

10 Naalakkersuisut ima pasissutissiipput:

*Missingersuusiortarnermut Naatsorsuuserisarnermullu inatsit
naapertorlugu pisortat aningaasartuutaasa siuariartornerinut qummut
killiliussassaaq ukiut tamaasa aalajangersarneqartarpoq. Ingerlatsinermut,
tapiissutit sanaartugassanullu aningaasaliissutissat qummut
killilerneqartarput missingersuutitigut inissisimanermillu taaneqartumi
aningaasartuutit annertunerpaaffilernissaanut tunngavigineqartarluni.
(qup. 191)*

- 10.1 Aningaasanut inatsisissatut siunnersuut kommuninut,
minnerunngitsumillu isumaginninnikkut aningaasartuutaannut
inatsisitigut pisussaaffiusunut, qanoq tigussaasunik kinguneqassava?

AKISSUT

2026-mut aningaasanut inatsisissatut siunnersuummi katillugit 864
mio. kr.-nik missingersuutit pitsanngortinneqarnissaat
siunniunneqarpoq. Aningaasat taakku Naalakkersuisut
aningaasartuutini tamani inatsisitigut piumasaqaataanngitsuni

nanereerpaat. Kommunit tunngatillugu ukiumoortumik kommuninut ataatsimoortumik tapiissutit kommuninut tallimanut tamanut katillugit 46 mio. kr.-nik annikillineqarnissaat Naalakkersuisut siunniussinerat tamatuma kinguneraa. Taamaalilluni pisortat ingerlatsivii tamarmik ataatsimoorlutik ilapittuuteqassapput. Tamannali kommunit inatsisit naapertorlugit isumaginninnermut aningaasartuutaannut sunniuteqaangilaq, inatsisimmi malillugit aningaasartuutit soorunami suli aningaasartuutigineqartussaammata. Tamatuma saniatigut kommunit aamma kommuninut akileraarutinit isertitaqartarnerat innersuussutigineqarpoq.

- 10.2 Siunertanut aningaasaliissutit iluanni suliassaminnik ingerlatsinerminni kommunit inatsisinik najoqqutarisassanilluunniit malinnissinnaangitsut Naalakkersuisunit maluginiarneqarsimava?

AKISSUT

Kommunit inatsisinik maleruagassanillu atuuttunik malitsinniarnerinik unammilligassaqaarnerat Naalakkersuisut assigiinngitsunut atatillugu maluginiarpaat. Inatsisartut Ombudsmandiat arlaleriarluni ajornartorsiutinik qaqilerisarpaq, kingullermillu 2024-mut ukiumoortumik nalunaarummi aamma. Tassani kommunit aqutsinnermut inatsisinut tunngatillugu annertuumik ilungersuuteqaarnerat maluginiarneqarpoq, tassani allakkatigut ingerlatsinerit, tunngavilersuutit, inatsisinut naapertuuttunut innersuussinerit kiisalu maalaaruteqartarnissamut ilitersuinerit ilanngullugit. Taamattaaq suliani inatsisini sukumiisuni immikkuullarissunilu kommuninit aquneqartuni unammilligassat aamma tikkuaavigineqarput.

2024-mut ukiumoortumik nalunaarummi ingammik isumaginninnermut immikkoortoq, suli at puigorneqartarfigisaat, sivitsoruttorfigisartagaat naammassineqarnerluunniit ajorfigisaat erseqqissaatigineqarpoq. Kukkuluttornerit annertuutigit sulisussaaleqinermik patsiseqartut kommunit oqaatigaat. Tamanna Kalaallit Nunaanni Kommunit Nakkutilliisoqarfiup 2025-mi oqaaseqaataani ikorfartorneqarpoq, tassani kommunit suianik ingerlatsinerat piginnaanilinnik sulisussanik amigaateqarnerup kingunerisaanik unammilligassaqaarfiusinnaanera allassimavoq.

Kommune Kujallermi meeqqanut inuusuttunullu immikkoortumi aqutsineq inatsisit malitsinneqarneranik unammilligassaqaartoqarnera pissutigalugu Naalakkersuisut atorunnaarsippaat. Tassunga atatillugu Isumaginninnermut, Suliffeqarnermut Nunamullu Namminermut Naalakkersuisoqarfiup kommunimi isumaginninnermut immikkoortumi inersimasunik sullissineq misissorpaa, taamatullu aamma sulianik ingerlatsinerup inatsisini piumasaqaataasunik qulakkeerinninniarnermi unammilligassaqaarfiunerata paasineqarnera, Naalakkersuisut paasissutissiissutigissavaat.

- 10.3 Isumaginninnermut Naalakkersuisoqarfik tapiissutit tunniunneqartarnerannut maleruagassanik aalajangersaasartoq, taakkunungalu ilaasut naatsorsuusiortarnermut, ukiumoortumik nalunaarusiortarnermut, missingersuusiortarnermut suliassanilu kisitsisini piumasaqaatit missingersuutitut ilanngussami 31.02.01imi taaneqarmat ataatsimiititaliamit assersuutigineqarsinnaavoq. Maleruagassat taamaattut kommuninit ingerlatsinikkut aningaasaqarnikullu malinneqarsinnaanerit Naalakkersuisunit qanoq qulakkeerneqarsimava?

AKISSUT

Kontu pingaarnikkut 31.02.01 *Inersimasunut isumaginninnikkut atugarliuuteqartunut suliniutit* kommunit ingerlatsisullu allat aningaasaliiffigineqartut Naalakkersuisut ingerlaavartumik oqaloqatigisarpaat. Malitassiat suliniut apeqqutaatillugu assigiinngisitaarput.

- 11 Naalakkersuisut paasissutissiippat:

Pisortat aningaasartuutaasa tamarmiusut annertunerpaamik ukiumut 1 pct-mik ukiullu sisamat ingerlaneranni 2 pct.-mik annertuseriarsinnaanissaat taamaammatt inatsisimmi allassimavoq, § 2, imm. 2, nr. 2 takuuk. (qup. 192)

- 11.1 Suliassaqaarfinnik imaluunniit konto pingaarnernik missingersuutunik sippueratarfiusinnaasunik Naalakkersuisut maannangaq ilisimasaqarpat? Taamaassimappat tamanna qanoq pinngitsoortinniarneqarsinnaasutut Naalakkersuisunit naatsorsuutigineqarpa?

AKISSUT

Aap – immikkoortut kontulluunniit pingaarnert 2025-mi missingersuutunik qaangiinissamik aarlerinartoqartut Naalakkersuisut eqqummaariffigaat. Missingersuutit Naatsorsuutillu pillugit inatsisit malillugit Naalakkersuisut ingerlaavartumik aningaasartuutunik nakkutilliisussaapput. Tamanna tunuliaqutaralugu juuni 2025-p naanerani missingersuutitut takussutissiamik suliaqartoqarpoq. Taanna Inatsisartunut nassiunneqarpoq.

Juunip 25-p naanerani takussutissiami 2025-mi 295,8 mio. kr.-nik appariarnissaq ilimagineqartoq takuneqarsinnaavoq. Angusat tamarmiusut taamaallutik maanna IST-p 421,2 mio. kr.-nik amigartoornernik inerneqassasoq ilimagineqarpoq, 125,4 mio. kr.-nik amigartoornissaq missingersuutaavoq.

Immikkoortut missingersuutitnik qaangiinissamik ilimagisaqartut tamarmik, amigartoorutit annikillisinnissaat siunertaralugu matussutissanik suliniuteqarnissamut pisussaaffilerneqarput.

Aningaasanut inatsisissatut siunnersuummi isertitassanut missingiinerit

- 12 Ilaatigut periarfissat atorluarneqanngitsut piffinni ineriartortitsinissamut siuarsaataasinnaasut tunngavissinneqarnissaat immikkut qitiutillugu aammalu tamatumunnga attaveqaasersuutitigut akimmisaarutaasinnaasut pinngitsoortinniarlugit, tassani ilanngullugit nunatta kujataa tunulu, suliniutinik pingaarnersiukkanik 2025-mi aningaasanut inatsit pillugu isumaqatigiissut imaqarpoq (Aalisarnermi isumalluutinik atuinermi akitsuutit, qup. 196).

- 12.1 Tunitsiviit amigaataanerat annertuumik ajornartorsiutaasutut Naalakkersuisunit isigineqarpa?

AKISSUT

Aalisakkanik tunitsiviit naapertorlugit tunitsivissaaleqineq siammasissumik ajornartorsiutaanngitsutut nalilerneqarpoq.

- 12.2 Aalisarnermik inuussutissarsiut inuiaqatigiinnut pitsaanerusumik isertitseqaataanerusinnaanera qanoq qulakkeerneqarsinnaava?

AKISSUT

Aalisarnerup inuiaqatigiit aningaasaqarnerannut ilapittuineranut pitsaanerpaamik atugassaqartinnissaa qulakkeerniarlugu, pingaarnertut pissutsit marluk naammassineqarsimassapput:

Sinaakkutitut atugassarititat pitsaasut; immap pisuussutaasa atorluarneqarneranut pissutsit sapinngisamik pitsaanerpaat qulakkeertarpaat. Tassani aningaasassaqaarneq, piginnaasalinnik sulisussaqaarneq kiisalu aningaasaliiffigineqarsinnaasut tamakkerlugit aalisarsinnaanermut piginnaatitaanernut isumannaatsuuneq ilanngullugit. Tamatuma saniatigut sinaakkutitut atugassarititaasut pitsaasut isumalluutit pitsaanerpaamik pissarsiffigineqarnissaanut periarfissanik sunniisunik killiliisoqannginnissaa ilaavoq. Sinaakkutitut atugassarititaasut aalisarnermut immikkoortumi inatsisinik taamaallaat imaqaanngillat, ingerlatseqatigiiffinnulli aalisartunullu siammasinnerusunik sinaakkutit sulinermi najoqqutarineqartut ilaapput.

Aqutsilluarneq; isumalluutit pitsaanerpaamik aqunneqarnerat nassataraa. Tamanna ilaatigut pisassiissutit ilisimatuussutsikkut siunnersuinnermut annertussusilimmuut aalajangersarneqartarneratigut anguneqarsinnaavoq, taamatullu tulaassisussaataitanermik allanilluunniit killilersuutitnik aalajangersaasoqannginnissaanik.

Malitseqarpoq. Taamattaaq aqutsinerup pitsaasup
naammassinnissinnaassutsip isumalluutinit, aalisarnerni
tamakkiisumik PNNP-tut ingerlanneqanngitsuni
toqqammavigineqartunit annertunerunnginnissaa qulakkeerpaa.
Tamatuma saniatigut aqutsilluarneq inatsisini
killiliissutaasinnaasunut tunngatillugu eqaatsumik paasinninnermut
tunngassuteqarpoq, tamatumani pingaarnertut anguniakkani
inuiaqatigiit aningaasaqarnikkut annertunerpaamik pissarsinissaat
qulakkeerniarneqartillugu.

- 12.3 Tassunga atatillugu najukkani aningaasaqarneq nukittorsarniarlugu
tunitsiviit mikinerit siammarsimasut ineriartornissamut qanoq
periarfissaqartut Naalakkersuisunit isigineqarpat?

AKISSUT

Aalisarnermut tunngatillugu tunitsivinnik piginnittut
ineriartortitsinermik periarfissanik naliliinissaq, tunitsivimminnilu
imminut akilersinnaassuseq naliligassaraat, taakkumi niuerneramik
toqqammaveqartumik ingerlatsimmata.

- 12.4 Najukkani periarfissat atorluarneqanngitsut kommunit ataasiakkaat
kiisalu ingerlatseqatigiiffiit Namminersorlutik Oqartussanik
pigineqartut suleqatigalugit atorluarneqarnissaat
ineriartortinneqarnissaallu qanoq pitsaaquteqartut
Naalakkersuisunit isigineqarpa?

AKISSUT

Allatut erseqqissaasoqanngimmat, pingaarnertut
inuussutissarsiornermik ineriartortitsineq aallaavigalugu
akissuteqartoqarpoq.

Kommunit ataasiakkaat Namminersorlutillu Oqartussat
ingerlatseqatigiiffiutaasa suleqatigiinnerat inuussutissarsiornermik
ineriartortitsinermik Kalaallit Nunaannut nalilinnik pilersitsisumik
annertuunik periarfissaqarpoq. Kommunit piffimmi ilisimasatik,
attaveqaatitik innuttaasunillu suliffeqarfinnillu attaveqarnermikkut
piffinni qulakkeerinninneq qulakkeerlugulu piffinni ataasiakkaani
suliniutit suliffissaqartitsinermut siuariartornernullu ilapittuisut
ikorfartorsinnaavaat. Namminersorlutik Oqartussat
ingerlatseqatigiiffii piffinni namminersorlutik inuussutissarsiortut
naammassinnissinnaassutsimik, misilittakkanik isumalluutinillu
atugassiinermikkut ilapittuisinnaapput, tamatumalu
aningaasaliinernut periarfissat nukittorsassavai piffinnilu
ingerlatsisut unammillernagit suliniutit ingerlatissinnaanngussavaat.
Kommunit piffinneernerat ingerlatseqatigiiffiit
naammassinnissinnaassusiannut niuerfinnullu isersinnaanerannik
attavilerneqarpata, sunniivigeqatigiissinnaaneq pisuussutinik
iluqauteqarnermik nukittorsaasoq pilersinneqassaaq, peqatigisaanillu

siuariartormermik, akuerineqarnermik nunalu akimorlugu
ataqatigiinnermik nukittorsaassalluni.

13 Naalakkersuisut ima paasissutissiipput:

Tamatuma ilutigisaanik oqaatigineqassaaq Kalaallit Nunaata kitaani raajat pillugit siunnersuinerup appariartormera pissutigalugu, 2025-mi raajanut pisassiissutit 2024mut sanilliullugu 19.000 tonsinik ikileriartinneqarsimapput, 2025-mullu sanilliullugu 2026-mi 3.000 tonsit missaanniittumik suli ikiliseqqinneqarnissaat naatsorsuutigineqarpoq, tamanna 2026-mi pisuussutinit akitsuutinit iluanaarutissatut naatsorsuutigineqartut ikilineqarnissaannut aamma ilapittuutaavoq. (qup. 197)

- 13.1 Aalisarnermit isertitat kisimik isumalluutaasinnaangitsut tigulaakkami allassimavoq. Aningaasartuutit qaffakkiartortut (nalunaarsuiffik 1 AIS2026-mi aningaasartuutit qaffariarnissaannut killiliussat; IST, mio. kr.) qanoq aningaasalersorneqassanersut kiisalu isertitassat pisariaqartinneqartut nassaarineqarnissaannut Naalakkersuisut qanoq pilersaaruteqarnersut itisilerlugu nassuiaatigineqassasoq ataatsimiititaliamit ujartorneqarpoq.

AKISSUT

Aalisarnermik isertitat kisimik pisortat ataatsimut aningaasartuutaannik naammassinnaannginnerat eqqortuuvoq. Taamaammat 2026-mut aningaasanut inatsisissatut siunnersuummi ataatsimut nalimmassaaneq aallaavigalugu suliarineqarpoq, tassani aningaasartuutit isertitassatut ilimagineqartunut nalimmassarneqarlutik, taamaaliornikkut pisortat aningaasaqarnerat suli oqimaaqatigiissinneqarluni. Aningaasartuutit qaffakkiartortut takussutissiivik 1-imi takuneqarsinnaasut, taamaalillutik ilanngunneqareerput, siunnersuummilu sinaakkusiunneqartut iluanni aningaasalersorneqareerlutik. Taamaammat aningaasanut inatsisissatut siunnersuummi isertitassaareersunit allaanerusunik immikkut aningaasalersuutissanik suliniuteqarnissaq pisariaqartinneqanngilaq.

- 13.2 Sinerissamut qanittumi taamatullu avataasiorluni aalisarnermi aalisakkanik pisassiissutit aalisartunit tamakkerlugit atorluarneqarnissaat ilimanarpa?

AKISSUT

Ukiut siulii assigalugit aalisagartassat tamakkerneqarnissaat ilimagineqarpoq, ingammik PNNP-mik aalisarnermi malittarisassat nutaat 75 procentinik atorluaanissamik pisussaaffiliisut atuunnerini. Taamaattoq raajartassat tamakkerneqarsinnaanerat peqassutsip appariartormeranik takussutissiisoq pisassanillu atuinermi ersiuteqartoq kiisalu aqutsisoqarfik 47-mi sinerissap qanittuani

qaleralinniarnermi, pisassat siunnersuinnermit aalisarnermilu naammassinnissinnaassutsimit qaffasinnersumik aalajangersarneqarfigisaat. Taamattaaq kitaani qaleralinnik avataasiorluni aalisarnermi pisassat pingajorarterutaat immikkoortinneqartoq sulii agguanneqanngilaq. Tamanna pisassat nungullugit aalisarneqarsinnaanerani nalornilersitsisinnaavoq. Tamannali PNNP-mi pisassanik 25 procentinik nuussisinnaanermit ilaannakortumik ingalassimatinneqarsinnaavoq.

- 13.3 Avataasiorluni saarullittassat ilanissaannut Naalakkersuisut pilersaaruteqarpat? Aalisakkat allat pitsaannerusumik atorluarneqarsinnaanerisa misissuiffigineqarnissaat pillugu Naalakkersuisut qanoq pilersaaruteqarpat?

AKISSUT

Kalaallit Nunaanni saarullinniarnermi aqutsinissamut pilersaarut avataasiorluni sinerissallu qanittuani saarullinniarnermut tunngasoq naapertorlugu ukiut tamaasa aalisarnermik inuussutissarsiortunit paasissutissat, ilaatigut TAC-mik aalajangersaanermik nalilersuinnermi atorneqartussat atorlugit nalunaarusiortoqartassaaq. Tamanna tunuliaqutaralugu 2026-mut pisassiissutissanut siunnersuut tamanut tusarniutigineqartussaq suliarineqassaaq, kingornalu Naalakkersuisunit aalajangiivigineqarluni. Tamanna tunuliaqutaralugu Naalakkersuisunit aqutsinissamut pilersaarut naapertorlugu TAC-mik aalajangersaanissaq utaqqinneqassaaq. Tulliuttut linkimi uani atuarneqarsinnaapput: Pilersaarut linkimi uani atuarneqarsinnaavoq:

kalaallisut: https://naalakkersuisut.gl/-/media/departementer/fiskeri_fangst/forvaltningsplaner/kal/0705_forvaltningsplan_torsk2025-2029kal.pdf
Danskisut: https://naalakkersuisut.gl/-/media/departementer/fiskeri_fangst/forvaltningsplaner/da/0705_forvaltningsplan_torsk2025-2029dk.pdf

Aalisagaqatigiinnik allanik atorluanaanissap misissornissaanut tunngatillugu, ukiut tamaasa aalisagaqatigiit nutaat niuernermit atorluarneqarsinnaanerannut periarfissanik misileraalluni aalisartoqartarpoq. Siusinnerusukkut assersuutigalugu avaleraasartoorniarnaq misileraalluni aalisarnermit niuernikkut aalisarnermut ikaarsaarpoq. Misileraalluni aalisarnermut sinaakkutinik pitsaannerusunik pilersitsiumalluni kiisalu misileraalluni aalisarnerit iluaqutigineqarnerat pilerinarnerulersinniarlugu misileraalluni aalisarneq pillugu nalunaarummik suliaqartoqarpoq.


- 13.4 EU-mut aalisagartassiissutit allanngortinnissaannut Naalakkersuisut qanoq periarfissaqarpat, taamaaliornikkut aalisartut kalaallit pisassiissutinik namminneq atorluaasinnaaqqullugit, taamaalillutillu

toqqaannartumik isertitaqarneruleqqullugit? Taamatut allannguineq qanoq kinguneqartussatut missingerneqarpa?

AKISSUT

Kalaallit Nunaat EU-lu 2024-mi piffissamut 2025-2030 nutaamik aalisarnermut isumaqatigiissuteqarput, tassani pisassat EU-mut tunineqartartut 1.334 tonsinik annikillineqarput pisassallu sinnerinik tunisinermi akinik qaffasinnerusunik angusaqartoqarluni. Tamanna ukiuni arlalinni EU-mut pisassat tunineqartartut annikillisarnerinik nangitsineruvoq, tassani 2007-ip kingorna EU-mut pisassat tunineqartartut 61.144 tonsinik ikilineqarput. Pisassat aalisarnermut isumaqatigiissummut ilaatinneqartut missingiutiinnaapput, ukiunullu aggersunut inaarutaasumik pisassat ilaatigut ilisimatuussutsikkut aalisakkanik siunnersuinerit nunatsinnilu aalisarnermik ingerlatsisut pisariaqartitaat tunuliaqutarlugit ukiumoortumik isumaqatiginninniutigineqartarput.

Nalunaarsuiffik 1. EU-mut aalisarnermut periarfissatut missingiutinut takussutissiivik 2007-2030



Aalisarnermik suleqatigiinnissamut isumaqatigiissut atorunnaarsivinnissaa kissaatigineqarpat, tamanna Kalaallit Nunaannut aalisarnermillu inuussutissarsioortunut arlalinnik

aningaasatigut kinguneqaateqarnissaa ilimagineqarsinnaavoq, tassani makku ilanngullugit:

- EU-mi niuerfinnut akitsuuteqanngitsumik isersinnaanermik annaasaqarneq, tak. Ilaasortaajunnaanermi isumaqatigiissummi akitsuuteqanngitsumik isersinnaanermut Kalaallit Nunaanni naammaginartumik aalisarsinnaanermut periarfissaqarnissap apeqqutaatinneqarneranut piumasaqaatit. Ukiumut aalisarnermut inuussutissarsiortunut 240 mio. kr.-t missaanni kiisalu Nunatta karsianut ukiumut akileraarutitigut isertitat 50-60 mio. kr.-t
- Aalisarsinnaanermut akuersissutinik ukiumut 127 mio. kr.-t missaannik tunisisarnermi Nunatta Karsiata annaasaqarnera.
- Aalisarnermut immikkoortumut tapiissutinik ukiumut 22 mio. kr.-t missaanniittunik Nunatta Karsiata annaasaqarnera.
- EU-mit Kalaallit Nunaannut tapiissutinik aningaasaliissutit sunnerneqarnissaannik ilimagisat, assersuutigalugu ilinniartitaanermut tapiissutit tamakkiisumik ilaannakortumilluunniit annikillineqarnerat, isumaqatigiissummi marluk imminut qanimut ataqatigiimmata. Ilinniartitaanermut tapiissutit ukiumut 252 mio. kr.-t missaanniittut Kalaallit Nunaata EU-llu akornanni 1985-imi siusinnerusukkut isumaqatigiisutaannit aallaaveqarput. Tassani Kalaallit Nunaata EU-llu akornanni tapiissutitut aningasaliissutinik allanik toqqaannartumik isumaqatiginninniartoqartannginnera erseqqissaatigineqassaaq. Aalisarnermi suleqatigiinnermut isumaqatigiisut kisimi toqqaannartumik isumaqatiginninniutigineqartarpoq. Ilinniartitaanermut mingutsitsinngitsumillu siuariartornermut tapiissutitut aningaasaliissutit nunat ilaasortat akornanni isumaqatiginninniutigineqartarput. Tapiissutit pillugit tullianik isumaqatiginninniarneq ukiunut tullernut arfineq marlunnut isumaqatiginninniarnernut atatillugu 2026-2027-mi pissaaq. Ataqatigiiffik aamma EU-mik Aalisarnermik isumaqatigiisut nutaaq pillugu Inatsisartunut Nassuiaammi taaneqarpoq.

Aalisarnermik suleqatigiinnissamik isumaqatigiisummik atorunnaarsitsinermi akerlianik isumalluutinik iluaquteqarnermi akitsuutinit akileraarutinillu, kalaallit inuussutissarsiutigalugu aalisartut nammineerlutik pisassanik aalisarnerini ukiumut 190 mio. kr.-t missaannik isertitaqarnissaaq ilimagineqassaaq. Pisassiissutit aalisariutinik pigineqareersunik immaqa aalisariummik nutaamik ataatsimik ilallugit aalisarneqarsinnaasut ilimagineqarpoq.

Taamaalilluni Aalisarnermi suleqatigiinnissamik isumaqatigiisummik sukkasuumik atorunnaarsitsinissaaq annertunerusumik aningaasaqarnikkut pitsaanngitsumik kinguneqartussatut ilimagineqarpoq.

Ingerlatseqatigiiffinni Namminersorlutik Oqartussanit pigineqartuni annerpaani ineriartorneq

14 Naalakkersuisut ima paasissutissiipput:

Tusass 2024-mi suli attaveqaasersuutitut aningaasalersuineramik aallussisimavoq, matumunnga nuna tamakkerlugu internetikkut oqarasuaatitigullu attaviit qulakkeerneril ilanngullugit, pilersuisussaanerup qulakkeerneqarnissaa pingaarnepaatut aallussiffigalugu. Tamakku saniatigut attaveqaasersuutit sanaartorneqarlutillu nutarterneqarput, taamaalilluni pisisartunut misigisassat maanna piusut soqutiginaateqartullu tunniunneqarnissaannut attaveqaatit qulakkeersinnaassagamigit. Aningaasalersuinerit taakku piffissami periusiorfiusumi 2025-2028-mi ingerlateqqinnissaat naatsorsuutigineqarluni. (qup. 198)

- 14.1 Aningaasaliinerit nutarterinerillu taakku akinut sullitanit akilerneqartussanut kiisalu ingerlatseqatigiiffiup angusaanut qanoq sunniuteqartussatut naatsorsuutigineqarnersoq paasissutissiissutigineqassasoq ataatsimiititaliami kissaatigineqarpoq?

AKISSUT

Tusassip piffissami attaveqaatitigut aningaasaliinernik Tusassillu nammineq aningaasaqarnikkut sinaakkutaasa iluanni pisisartunut akinik appaasinnaanini ilimagalugu paasissutissiissutigaa. Suiffeqarfiup piffissami periusissiorfimmi aningaasanik uninngasuutissatut, aningaasaqarnikkullu kisitsisissatut ilimagineqartut ingerlatseqatigiiffiup misissoqqissaarpai. Tusassip ukiuni arlalinni ingerlatseqatigiiffik niuernerpalaartumik ingerlappaa, taamaammallu annertuunik aningasanik upalungaarsimasuutissaqarluni. Ukiut aningaasalersuinerimi oqimaatsut – 2026-2027 – ingerlaneranni ingerlatseqatigiiffiup maanna aningaassat upalungaarsimassutaasa saniatigut aningaasaliissutissat sinnerinik attartornissaq taamaattoq pisariaqassaaq. Taamaammat ingerlatseqatigiiffiup angusai ukiuni kingullerni angusarinqartartunit annertuumik allaanerusutut isikkoqassapput, annikitsumillu sinneqartoorluni oqimaatigiissitsinissaq ilimagineqarpoq. Aningaasaqarnikkut misissueqqissaarnermi atuisunut akigititat apparnissaannut periarfissamik aamma nassaartoqarpoq, attaveqaatitigummi aningaasaliinernut taaneqartunut piffissaq nalikilliliiffik annertummat.

- 14.2 Nalunaarsuiffik 5-imi 2024-mi Namminersorlutik Oqartussat aktiaatinik piginneqatigiiffiutaasa anginerpaat naatsorsuutaat kingullit pillugit nalunaarsuummi paasissutissiissutigineqarpoq

Tusass 20,8%-imik sinneqartooruteqarsimasoq.
Ingerlatseqatigiiffinnut Namminersorlutik Oqartussanit
pigineqartunut allanut sanilliullugu kisitsit tamanna
qaffasissorujussuusorinartoq ataatsimiititaliamit oqaatigineqassaaq.
Tusass'-ip ingerlatseqatigiiffimmik aningaasaqarnikkut
ingerlalluartumik ingerlatsisinnaassuseqarneranut qanoq takutitsiva,
aamma ingerlatseqatigiiffinnut Namminersorlutik Oqartussanit
pigineqartunut kiisalu Kalaallit Nunaanni avataanilu
ingerlatseqatigiiffinnut sanilliunneqarsinnaasunut allanut
sanilliullugu?

AKISSUT

Tusassip ingerlatseqatigiiffimmik aningaasaqarnikkut pitsaasumik
ingerlatsilluni paasissutissiissutigaa, 2021-llu kingorna ilaatigut
piffinni satellitikkut attaveqartuni naammassinnissinnaassutsimik
qaffassinermut attaveqaatinik, sakkortusaavinnillu ingerlaavartumik
nutarterinernik aningaasaliinernik aallartitsinerup ingiaqatigisaanik
annertusiartortunik sinneqartooruteqartarluni oqaatigalugu. Tamanna
aningaasaqarnikkut periusissiatut siunniussap ilagisimavaa, tassanilu
maanna piffissamut periusissiorfiusumut annertuunik
aningasaliinissamut ileqqaartoqarsimavoq. Annertuumik
aningaasanik upalungaarsimassuteqarneq ukiumoortumillu
naatsorsuutit pitsaasut, ingerlatseqatigiiffiup suleqatissanik
periusissiornermi suliniutit sinnerisa aningaasalersornissaannut
taarsigassarsisisussatut suleqatissanik nassaarnissaq
unammillernartoqarsimanani. Tassunga atatillugu səkabelimut
sillimatissamut akiliigallarnissamut aningasartuutissatut
ilimagineqartuinnaat, 0,9-1,1 mia. kr.-t missaannik
annertussuseqassasut oqaatigineqassaaq, tassanilu Tusass –
neriunartumik EU suleqatigalugu – aningaasat ilaat taakku annertuut
aningaasalersussavai.

Erseqqissuutitsinissaq pillugu ingerlatseqatigiiffimmi pisortanit
pigineqartumi sinneqartoorutit imaaliallaannarlugit innuttaasut
naapertuutinngitsumik qaffasissunik akinik akiliisarnernannik
takutitsisuunnginnerat ilanngullugu oqaatigineqassaaq.
Ingerlatseqatigiiffik suliffeqarfimminik aningaasartuutininik
eqqummaarissumik pisariitsumillu ingerlatsitillugu sinneqartoorutit
pilersarput, naggataagullu tamanna inuiaqatigiinnut
iluqautaasinnaavoq. Tamanna assersuutigalugu nunatta karsianut
iluanaarutininik akiliinikkut imaluunniit siunissami attaveqaatinut
sullissinernillu pitsannguinnerut aningaasaleeqqinnikkut
pisinnaavoq. Taamaalilluni sinneqartoorutit ingerlatseqatigiiffiit
innuttaasunut aalaakkaasunik muteerniusunillu sullissisinnaaneranannut
tunngavissaapput, peqatigisaanillu aningaasaqarnikkut
iliuseqarsinnaanermut kiffaanngissusertik attatissavaat.

- 15 Naalakkersuisut ima paasissutissiipput:

Ataatsimut isigigaanni Namminersorlutik Oqartussat aktiaateqarluni ingerlatseqatigiiffiutaanni kommuninilu siunissami akiitsuisa amerlinissaat naatsorsuutigineqartoq nalunaarsuiffiup takussuserpaa. (qup. 201)

- 15.1 Taamatut ineriartortoqarnerata ersarissumik takutippaa akitsuutit annertusineqarnissaannik pisariaqartitsisoqartoq. Akileraartarnermut Aqutsisoqarfik tamatumani annertuumik suliassa qarpoq suliassa qarfimmullu tassunga pilersaarutit ilisimanngilagut. Akiitsut ikilisinniarlugit suliniutissat suut ingerlanneqalernersut Naalakkersuisunit paasissutissiissutigineqarsinnaava?

AKISSUT

Namminersorlutik Oqartussanut kommuninullu akiitsut akitsuutit Akileraartarnermulluunniit Aqutsisoqarfiup suliassaasa annertussusaannut toqqaannartumik atassuteqartinneqarsinnaannginnerat, erseqqissassallugu pingaarute qarpoq. Taamaalillutik Naalakkersuisut imaasiallaannarlutik ingerlatseqatigiiffiit akiitsuisa annertusinerisa akitsuutit annertussusaannik qaffaanissamik pisariaqartitsinermik toqqaannartumik takutinneqaratik ataatsimiititaliap paasinninnera isumaqatiginngilaat.

Akileraartarnermut Aqutsisoqarfik akileraarutinik akitsuutinillu eqqortumik akiliisitsinissamik ingerlatsinissamillu akisussaaffeqarpoq, akiitsulli ineriartorneranni annertuumik aningaasalersuinermi ataatsimut pingaarnersuinerit aningaasaliinernillu pilersaarusiernerit apeqqutaapput.

Peqatigisaanik taarsigassarsiat suliniutinut inuiaqatigiit aningaasaqarneranni iluanaaruteqarfiusunut ingerlatillugit akiitsornerup imminermini ajornartorsiutaasariaqannginnera erseqqissarneqassaaq – assersuutigalugu attaveqaatinut, nukissiutinut immikkoortunulluunniit allanut aningaasaliinernut ungasinnerusooq isigalugu siuariarnermik atugarissaarnermillu nukittunerulersitsisunut.

Annertussutsit piujuartitsisuuinnarnissaat qulakkeerniarlugu, Namminersorlutik Oqartussat kommunillu akiitsuisa ineriartornerat Naalakkersuisut ingerlaavartumik malinnaaffigaat.

- 15.2 Innuttaasut akiligassatigut kinguaattoorutai ikilisinniarlugit pisortallu akiitsunik akiliisitsiniartarnerat oqilisarniarlugu suliniutit suut Naalakkersuisunit aallartinneqartussatut pilersaarutigineqarpat?

AKISSUT

Innuttaasut pisortanut akiitsuisa annikinnerulernissaat Naalakkersuisut soorunami ornigaat.

Innuttaasut pisortanut akiligassaminnik tamakkiisunik piffissarlu eqqorlugu akiliisartuuppata, taava Akileraartarnermut Aqutsisoqarfik pisortat sinnerlugit akiligassiissuterpasuarfik akiitsorpassuarfik akiliisitsiniangikkaluarpoq. Ajoraluartumik atuisoqarfiup illoqutigiit isertitaannik aningaasartuutaannillu paasissutissanik piniarluni saaffiginnissutai innuttaasunit amerlasuunit akineqarneq ajornerat nalaattarpa, taamaalilluni akiitsut akilersornissaannut tunngatillugu iluarinartumik aaqqiissuteqartoqarsinnaaqullugu.

Akileraartarnermut Aqutsisoqarfiup tamatigut nalinginnaasumik inuunermik ingerlatsinissamut inuinnaat aningaasanik naapertuuttunik atugassaqaarnissaat qulakkeerniartartussaavaa, peqatigisaanillu pisortanut akiitsunik akiliisitsiniarluni.

Ajoraluartumik innuttaasut amerlasuut akiitsunik pilersunik akiliisitsinissamut pisinnaangortitsisumik isertitaqannginnerat, akiitsuisalu soorunami piffissap ingerlanerani annertusiartornerat, oqaatigissallugu aamma pingaaruteqarpoq. Soorunami piffissap ingerlanerani pisortanut akiitsunik akilersuisinnaangortitsisumik isertitaqalartoqarsinnaanera soorunami aamma isiginiarneqartarpoq, tamatumani ilaatigut innuttaasut ilinniagaqarnermik il.il. ingerlatsisut eqqarsaatigineqarput.

Taamaammat ingammik innuttaasut suliffeqarfiillu isertitaat pisortanut akiitsunik akileraanissamut ajornartitsinngikkaluartut aallunneqarput. Peqatigisaanik akileraarpallaarnermit utertitassat ilaasa annertuut pisortanut akiitsunut akiliisitsissutit qulakkeerneqartarput. Taamaalilluni 2025-mi aggustip qaammataani akileraarutaavallaartunik akiliinermi pisortanut akiitsunut matussutissatut 88,3 mio. kr.-t (akilerneqartut tamarmik 27,3 procentii) akilersinneqarput.

Ataatsimiinnissamut aggersumut innuttaasut akiitsuisa appartinneqaarnissaannut, pisortallu akiitsunik akiliisitsiniartarnerisa oqinnerulersinneqaarnissaannut suliniutit arlallit suiarineqarnerat, Naalakkersuisut naggasiullugu paasissutissiissutigissavaat. Akileraartarnermut Aqutsisoqarfiup ingerlaavartumik qarasaasiatigut atortorissaarutiminik pitsanngorsaallunilu ineriartortitseqqittarnera, tassunga atatillugu ilanngullugu oqaatigineqassaaq, tassani akiliisitsiniartarnermi immikkoortoq, akiitsunik akiliisitsiniartarnerup oqinnerulernissaa akileraartartullu pisortanut akiitsuisa killilersimaartinnissaat siunertaralugu. Peqatigisaanik aqutsisoqarfimmi allaffissornikkut suliaat annikillisarniarneqarput.

16 Nalunaarsuiffik 6-imi *Namminersorlutik Oqartussani, namminersorlutik oqartussat aktiaateqarluni ingerlatsiviutaanni kommuninilu piffissami 2023-2028-mi akiitsut erniaqaataasussat ilanngaaseereerlunilu akiitsut erniaqaataasussat ineriartornissaannut naatsorsuutigisanut tunngasumi,* Naalakkersuisut paasissutissiipput Namminersorlutik Oqartussat aktiaateqarluni ingerlatseqatigiiffiutaasa akiitsui ernialersukkat 2025-mi 7.002 mio. kr.-init 2028-mi 9.451 mio. kr.-inut malunnaatilimmik qaffariaateqassasut. Piffissami tassani kommunit akiitsui ernialersukkat 1.025 mio. kr.-init 1.040 mio. kr.-inut qaffassapput. (qup. 202).

16.1 Taama ineriartortoqarnera Naalakkersuisut nassuiarsinnaavaat?

AKISSUT

Namminersorlutik Oqartussat namminneq akiitsui ukiuni aggersuni aalaakkaasumiittussatut ilimagineqarput, namminersorlutimmi oqartussat kommunillu maanna missingersuutit naatsorsuutillu pillugit inatsimmi attuuttumi piffissap ingerlanerani aningaasanut inatsimmi IS-ip inernerani oqimaaqatigiissitsisussaannerat tunngavissaatinneqarmat.

Peqatigisaanik namminersorlutik oqartussat (kommunillu) ingerlaavartumik ukiuni ataasiakkaani IS-ip inernerani nikeriarnissanut matussutissanik, misilittakkallu malillugit aamma tassanngaannartumik aningaasanik pisariaqartitsilernermik iliuuseqarsinnaajumalluni aningasanik annertunerusunik upalungaarsimassutissanik qulakkeernermik nassataqartumik illersorneqarsinnaasunik uninngasuuteqarnissaat pingaaruteqarpoq, tassani ingerlatseqatigiiffiit ilanngullugit.

Kommunit paasissutissiissutigineqartut malillugit taakku akiitsui ukiuni aggersuni taamaallaat killilerujussuarmik annertuseriarnissaat ilimagineqarpoq.

Namminersorlutik Oqartussat aktiaatileqatigiiffii ataasiakkaat suliniutinik annertuunik aningaasaliinernik ingerlatsinernut atatillugu allanik taarsigassarsinissaat ilimagineqarpoq, ingammik nukissiutinut attaveqaatinullu Nuummi Aasianni/Qasigiannguani erngup nukinganik innaallagissiorfiliornissamik Inatsisartut aalajangigaannut atatillugu. Tamanna ingerlatseqatigiiffiit piffissami 2028 tikillugu ernialersukkanik akiitsuisa annertuumik qaffariarnerannut nassuiaatissaavoq. Ingerlatseqatigiiffinni pineqartuni siulersuisut aningaasaliinerit aningaasaqarnikkut isumaliorluarnermit pinissaat qulakkiissagaat, Naalakkersuisut naatsorsuutigaat.

Tamatuma saniatigut Naalakkersuisut aningaasaliinerit annertuut taamaattut, akiitsullu ineriartornerisa ataatsimut isigalugu aningaasaqarnikkut illersorneqarsinnaanera qulakkeerniarlugu ingerlaavartumik malinnaaffigisarpaat. Ingerlatseqatigiiffiit taarsigassarsiaasa ineriartornerat passunneqarsinnaasunik inissisimasutut maannakkut nalilernerqarpoq, taamaammallu pisortat aningaasaqarnerannik annertuunik tassanngaannaq, soorlu aningaasanut inatsisikkut aningaasaliinissanik piumasqaateqartoqarneratigut ajalusoortinneqarnissaanut aarlerinartoqanngilaq.

17 Naalakkersuisut ima paasissutissiipput:

Arctic Umiaq Line Royal Arctic Linemut immikkoortortaavoq. Namminersorlutik Oqartussat Sarfaq Ittuup ingerlanneqarnera pillugu ingerlatseqatigiiffimmut kiffartuussinissaq pillugu isumaqatigiissuteqarput. Umiarsuaq taarserneqartariaqalernikuuvog, ingerlatseqatigiiffillu umiarsuarmut nutaamut aningaasaliinissamut akissaqanngilaq. Nuna tamakkerlugu angallassinikkut sullissineq tamarmiusoq siunissami qanoq aaqqissuunneqassanersoq pillugu ukiut tulluuttut ingerlaneranni politikikkut isummertoqassaaq, tassungalu atatillugu periarfissaasinnaasut tamarmik misissorneqarnissaat pisariaqarpoq, umiarsuarmik ilaasunik angallassisussamik tassunga assingusumik nutaaliaasumillu pissarsinissaq aningaasaqarnikkut annertuumik unammilligassaasussaammat. (qup. 204-205)

17.1 Arctic Umiaq Line pillugu ajornartorneq sumut killippa?

AKISSUT

Arctic Umiaq Linep sullissinissamut isumaqatigiissutaa 2025-p naanerani atorunnaassaaq. Isumaqatigiissutip 2027 ilanngullugu sivitsorneqarnissaa Naalakkersuisut aalajangerpaat. Sivitsuinikkut Qaqortumi Ilulissanilu mittarfinnik nutaanik atuilereernerup kingorna maanna angallassinermik aaqqissuussinerup sulii pitsaasumik aaqqiineruneranik, periarfissalluunniit allat isumaliutigineqartariaqarnerannik naliliinissamut pitsaasumik toqqammavilimmik naliliinissaq qulakkeerinnittoqarpoq. Sarfaq Ittuk taarserneqassappat umiarsuarmik nutaamik tunniussinissamut ukiut marluk missaat ingerlassasut ilimagineqartariaqartoq, tassunga atatillugu oqaatigineqassaaq.

Sivitsuinissamut isumaqatiginninniarnertit ingerlapput, tassani ingerlatsinermi aningaasalersuinissamik pisariaqartitsinermik qulaajaaneq ilanngullugu.

17.2 Ilaasunik angallassineq ataatsimut isigalugu pilersaarutit Naalakkersuisunit ilisimatitsissutigineqarsinnaappat?

AKISSUT

Nunatsinni ataatsimuussutsip nukittorsarnissaa ilaasunillu angallassinernup qaffasissumik sullissiviunissaata qulakkeernissaa Naalakkersuisut anguniagaraat. Ukiut aggersut Qaqortumi Ilulissanilu mittarfiit nutaat 2026-mi atorneqalertussatut ilimagineqartut atulerpata annertuunik allannguiffiusussaapput. Peqatigisaanik Tasiilami Ittoqqortoormiini mittarfiit nutaat pilersaarusiornertat nangittumik sulissutigineqarpoq.

Air Greenland A/S-p kujataani helikopterimik ilaasunik angallassinermik sullissinissamik isumaqatigiissutaa Qaqortumi 2026-mi mittarfiup atorneqalerneranut atatillugu atorunnaassaaq. Taamaammat Naalakkersuisut kujataani helikopterimik ilaasunik angallassinermut sullissinissamik isumaqatigiissummik nutaamik, sivitsuinermilluunniit tunngavissamik qulaajaanissaq siunertaralugu isumaqatiginninniarnernik aallartitsissapput.

Kommunit aningaasaqarnerat

- 18 Nalunaarsuiffik 7-imut, *Kommunit aningaasaqarnerannut tunngasumut*, nassuiaammi Naalakkersuisut ima paasisutissiipput:

Nassuiaat – Qeqqata:

- a) *Ingerlatsinermut aningaasartuutit amerleriarput pingaartumik atugarissaarnermut suliassa qarfiup iluani, innuttaasunut angerlarsimaffiup avataanut inissinneqartunut aningaasartuutit amerlammata, [...] (qup. 207).*

- 18.1 Angerlarsimaffiup avataanut inissiisarnernut aningaasartuutit amerliartornerat ajornartorsiutip tamatuma annertussusianut ersarissumik takussutissiivoq. Ajornartorsiut taanna ungasinnerusoq isigalugu aqqiiviginiarlugu Naalakkersuisut suliniutissanik pilersaaruteqarpat?

AKISSUT

Angerlarsimaffiup avataanut inissiinissaq pisariaqaleraangat, ulloq unnuarluni angerlarsimaffinni neqerooruteqarnermut taarsiullugu ilaqutarsiat piumaneqarnerunerat, naalakkersuisooqatigiinnermi isumaqatigiissummi allassimavoq. Tamanna pisut ilaanni inissiisarnertit sulii pisariaqartussaanerannik nassuerutiginninnermik toqqammaveqarpoq.

Naalakkersuisut taamaammat ilaqutarsianut immikkoortumik nukittorsaanissamik anguniagaqarput, taamaalilluni ilaqutarsiat annertunerusumik meeqqanik immikkut ikorfartorneqarnissamik pisariaqartitsisunik tiguisinnaanngorlugit, peqatigisaanillu ilaqutarsianngornissaq pilerinarnersinneqassaaq. Tamanna malillugu ukioq kingulleq aningaasanut inatsimmik isumaqatigiissummi ilaatigut ilaqutarsianut atugassarititat, ilaqutariit siunnersueqatigiittarnerat isumaginninnikkullu suliniutit allat aallunneqarput.

Isumaginninnermi immikkoortumi suliniarnej angerlarsimaffiup avataanut inissiisarnerit suli amerlasoorujussuit aamma kommunit isumaginninnikkut ingerlatsiviinik aningaasaqarnerannillu annertuumik tatisisut ikilisarniarlugit, angajoqqaanut sammititanik suliniuteqarnikkut nukittorsaanissaq isumaqatigiissutigineqarpoq.

Tassunga atatillugu ilaqutarsiat qitiusumik inissisimapput. Taakku angerlarsimaffippalaarnerusumik aalaakkaarnerusunillu sinaakkutinik, meeqqat atugarissaarnerannik misigissutsikkullu ineriartornerannik ulloq unnuarlu angerlarsimaffinnit annertunerusumik ineriartornerannik nukittorsaa sinnaanermik neqerooruteqarsinnaapput. Peqatigisaanik ilaqutarsiat kommuninut piujuartitsinerusumik aaqqiissutaapput, meeqqamut ataatsimut agguaqatigiissillugu appasinnerujussuarmik aningaasartuuteqarfiusut.

Taamattaaq meeqqat ilaqutarsianiittut ungasinnerusoq isigalugu – inuuniarnikkut ilinniartitaanikkullu – angusaqarnerusarnerat ilisimatusarnerup ilanngullugu takutippaa, tamatumani inissiineq aalaakkaasuutillugu meeqqallu pisariaqartitaanut nalimmassarneqarsimatillugu, ilaqutarsiallu suliassamut piareersimallutillu ingerlaavartumik sulisunit meeqqat ulorianartorsiortut pisariaqartitaannik, attuumassuteqarnerup pingaarutaanik isumattuisullu inissisimanerani ingerlaavartumik ikorfartorneqarnerat tunngavissaatillugu.

Tassunga atatillugu suliniutit ilaqutarsiat piginnaasaannik ineriartortitsinerumik aallussisut pingaarnerutinneqarnissaat pingaaruteqarpoq. Peqatigisaanik piginnaanngorsaanerit taamaallaat ilaqutarsianut namminermut sammitinneqannginnissaat, aammali siammasissuunissaat pisariaqarpoq. Tamanna oqartussat akimorlugit suliniuteqarnissamik sulianilu aqutsisut akuutinnissaannik pisariaqartitsiffiuvoq, taamaalilluni ilisimasat periutsillu nutaat aaqqissuussamik piujuartitsisumillu meeqqanut inuusuttunullu immikkoortumi oqartussani kiisalu ilaqutarsiaqarnermut immikkoortumi atuutilersinneqarsinnaaqqullugit. Taamaammat ilaqutarsiat piginnaanngorsarneqarlutillu suliaminnik aaqqissuussamik ikorfartorneqarnissaat pingaaruteqarlunnartuuvoq, taamaalillutik toqqissisimanermik, aalaakkaasuunermik suliniarnermilu pitsaassutsimik pisariaqartumik neqerooruteqarsinnaaqqullugit.

19 Naalakkersuisut ima paasissutissiipput:

Kommunit aningaasaqarnerisa tamarmiisup pingaaruteqarnerata pitsanngoriartornera malillugu pisortaqaqfinni aningaasaqarnermik aqutsinerup ajutooratarsinnaanermillu aqutsinerup pitsanngorsarnissai pillugit kommuninik suleqateqarluni sulisoqartarpoq. Tamatuma saniatigut

kommunit peqatigalugit aningaasaqarnikkut nakkutilliineq aallunneqarnerulerpoq. (qup. 207)

- 19.1 mmunit aningaasaqarnikkut nakkutilliivigineqarnerisa taamatut eqqumaffigineqarnerulernerat qanoq piviuissunngortinneqassanersoq Naalakkersuisunit paasisutissiissutigineqarsinnaava?

AKISSUT

Aningaasaqarnermut Akileraartarnermullu Naalakkersuisoqarfiup kommunit aningaasaqarnerannik aarlerinaatinillu aqutsinermik pitsannguinnermut peruseq sulii suliaraa. Suliaq sulii ingerlasoq pineqarmat, periutsip suliarineqartup ataani aningaasaqarnikkut nakkutilliinermik annertusisamik aallussinerup qanoq atugassanngortinneqarumaarnera oqaatigissallugu maannakkut sulii siusippallaarpoq. Taamattaaq suliaq kommunit oqaloqatigalugit pinissaa pingaaruteqarpoq, taamaalilluni periutsumik piginnittuunermik tigusinissamik kajuminnerulersinnaaqqullugit. Pisortat missingersuutaasa aningaasartuutillu naammassineqartut akornanni annertuumik naapertuunnissaasa, pisortallu ingerlatsiviata sukkulluunniit aningaasatigut pisussaaffimminik naammassinninnissamut naammattumik aningaasanik uningasuuteqarnissaata qulakkeernissaata pingaaruteqarnera paasisutissiissutigineqassaaq.

2026-mut missingersuutitut sinaakkutit

- 20 Kommunit tunngatillugu ataatsimoortumik tapiissutit ikileriarnissaat missingersuutigineqarpoq, nalunaarsuiffilli 7, *Kommunit aningaasaqarnerannut tunngasoq* (qup. 206), malillugu isertitat 2024-mut sanilliullugu 2025-mi amerleriassasut naatsorsuutigineqarpoq.

- 20.1 Taamatut ingerlasoqarnera AIS2026-mi ukiunilu missingersuusiortiusuni ingerlaannassasoq Naalakkersuisunit naatsorsuutigineqarpa? Taamaassimappat tamatumunnga suna tunngaviua?

AKISSUT

2026-mut Aningaasanut inatsisissatut siunnersuummi qupperneq 206-imi *Nalunaarsuiffik 7-imi Kommunit aningaasaqarnerat* kommunit 2024-mut naatsorsuutitigut kisitsisaatigigallagaat taakkulu 2025-mut missingersuutigigallagaat takutinneqarput. Ukiuni marlunni assigiinngissutsit (2024-mut angusat 2025-mullu missingersuutit) aallaavittut ineriartornermut takutitsisuunerannik inerniliivigineqarsinnaanngillat.

AIS2026-mut allannguutissatut siunnersuutaasinnaasunik piareersaaneq

21 Naalakkersuisut ima paasissutissiipput:

Suliassaqarfinni arlalinni ukiap tungaanut qulaajaasoqassaaq, taakkua aappassaaneerinninnermi pingajussaaneerinninnermilu allannguutissatut siunnersuutini saqqummiunneqassapput. [...] Inatsisartuni partiinik aningaasanut inatsit pillugu isumaqatigiinniarnertit tunngavigalugit AIS2026-p pingajussaaneerineqarnissaanut allannguutissatut siunnersuummut aningaasaliissutissanik saqqummiisoqarumaartoq ilimasuttoqarpoq. (qup. 208-209)

21.1 Siunnersuutip aappassaaneerineqarnissaanut pingajussaaneerineqarnissaanullu allannguutissatut siunnersuutit suut saqqummiutilersaaneqarnersut, tamatumunngalu ilanngullugu suliassaqarfinnik aallunneqartussatut naatsorsuutigineqartunik peqarnersoq, Naalakkersuisunit itisilerneqarsinnaava.

21.2 Taamaattumik allannguutissatut siunnersuutit naatsorsuutigineqartut AIS2026-mi atugassiissutigineqartussatut naatsorsukkanut qanoq sunniuteqarsinnaassanersut paasissutissiissutigineqassasoq ataatsimiititaliamit kissaatigineqarpoq.

21.1-imut 21.2-mullu AKISSUT

Siunnersuummik aappassaaneerinninnissamut pingajussaaneerinninnissamullu allannguutissatut siunnersuutit suut saqqummiunneqartussatut ilimagineqarnerat, Naalakkersuisut maannakkuugallartoq oqaatigisinnaanngilaat. Tamatumani oqaloqatigiinnerit ingerlaqqinneri isumaqatiginninniarnerrillu aningaasanut inatsimmik suliarinninnermut atatillugu pisut apeqqutaassapput.

Tamannalu aamma tunngavigalugu allannguutissaatut siunnersuutaasinnaasut qanoq aningaasanik atugassanik sunniisinnaanerat erseqqissumik aamma akineqarsinnaanngilaq. Taamatut naliliinnermi allannguutissatut siunnersuutit aningaasartuuteqarnerunermik aningaasartuutikinnerunermillu malitseqartut apeqqutaassapput, taamaalillunilu AIS2026-mi atugassanik ataatsimut naatsorsuinnermut taakku qanoq sunniuteqarumaarnerat aamma ilanngullugu.

Atugassat amerlanerusut akileraarutit akitsuutillu annertusineqarnerisut ileqqaaruteqarnerunikkulluunniit isertitat amerlinerisigut immikkut pissarsiarineqarsinnaapput. Naalakkersuisut maannakkuugallartoq akileraarutit annertusinissat ileqqaarniutinilluunniit sulii allanik ingerlatsinissat naapertuuttut isiginngilaat.

- 21.3 Ilinniartut inaannik sanaartornissamut aningaasartuutissat missingersuutini naatsorsuinermit ilanngunneqannginnissaat Aningaasaqarnermut Akileraartarnermullu Ataatsimiititaliamut akuerineqartussanngortinneqassasoq Naalakkersuisunit siorna siunnersuutigineqarpoq, taamaaliornikkut pingaarnersiutinissamut atugassiissutigineqartussat amerleriartinneqarlutik. Assersuutigalugu sanaartornermut suliaasaqarfimmi aningaasartuutit ingerlanneqartut pilersaarutigineqartulluunniit missingersuutit inissisimanerannik naatsorsuinermit ilaatinneqanngissinnaasunik peqarnesoq Naalakkersuisunit maannangaq paasissutissiissutigineqarsinnaava?

AKISSUT

Maannakkuugallartoq aningaasartuutini ingerlasunik pilersaarutigineqartunilluunniit suussusersiisoqanngilaq, assersuutigalugu sanaartornermut immikkoortumi, missingersuutit inissisimanerannit ilaatinneqannginnissaannik nalilerneqartunik.

Ilaatitsinnginneq siorna ilinniartunut inissiassanut suliniummumut aalajangersimasumut atatillugu siunnersuutigineqartoq, immikkut pisariaqartitsinermit suliniutillu ilusaanik sukumiisumik naliliinermit tunngaveqartinneqarpoq. Pissutsit taamaattut AIS2026-mi atuutinngillat.

Aningaasanut inatsisissatut siunnersuummi nassuiaatini nalinginnaasuni nalunaarsuiffik 1-imit paasineqarsinnaasumi, 2026-mi aningaasartuutit annerpaamik annertuseriarnissaannut killiliussaq anguneqartinnagu, 370 mio. kr.-t missaannik atugassaqartoqarpoq. Taamaalilluni aningaasartuutit qaffasinnerpaaffissaasa qaffanneqarnissaanut maannakkuugallartoq pisariaqartitsisoqarpassinngilaq.

AIS2026-mili aningaasaqarnikkut inisissimaneq 2024-p ukiaanerani, AIS2026-p akuerineqarnerata nalaanit, annertuumik allaanerussuteqarnera erseqqissarneqassaaq. Siorna Nunatta Karsiani aningaasartuutitut nutaanut atorneqarsinnaasunik Nunatta Karsiani uninngasuuteqarnissaq ilimagineqarpoq. Tamanna tunuliaqutaralugu missingersuutit inissisimanerata aningaasartuutitut qaffasinnerpaaffiata sanioqqunneqarnissaanik politikikkut kissaateqartoqarpoq. 2025-p ukiaani Nunatta Karsiata uninngasuutai allaanerusumik inissisimapput. Taamaammat assersuutigalugu ilinniartunut inissiamut suliniutip missingersuutit inissisimanerannik naatsorsuinermit ilaatinneqannginneratigut annertunerusumik aningaasanik atugassaqartoqassanngilaq. Nunatta karsiata aningaasartuutaanut inatsisit malillugit killiliussaq qaffakkaluaraanniluunniit, aningaasartuuteqarnissamut sulit Nunatta Karsiani aningaasassaqtussaavoq.

Apeqqut 22.1-imut akissut aamma takuuk.

Aningaasanut inatsisissatut siunnersuummi aningaasatigut kisitsisit pingaarnerit

22 Naalakkersuisut ima paasissutissiipput:

Aningaasanut inatsisissatut siunnersuutip oqimaaqatigiissuunissaa qulakkeerniarlugu AIS26-mi ingerlatsinermut tapiissutitullu aningaasaliissutit akinut akissarsianullu naleqqussaannnginnissaq, peqqinnissaqarfimmu immikkoortumi AA-mik iluarsiiissutip affaanik iluarsiinissaq Naalakkersuisut toqqarpaat. Naalakkersuisut aningaasaliissuteqarfiini ingerlatsinermut tapiissutinullu aningaasaliissutit tamarmik kiisalu kommuninut ataatsimoortumik 2026-mi AA-mut iluarsiivigineqanngillat. Inatsisartut Siulittaasoqarfiata kissaateqarnera aallaavigalugu, aningaasanut inatsisissatut siunnersuummi Inatsisartut immikkoortuanni aningaasaliissutit (Suliassaqarfik 01), 2,34 procentinik tamakkiisumik AA-mut iluarsiivigineqarput. (qup. 209)

22.1 Aningaasanut inatsisissatut siunnersuummi (Suliassaqarfik 01)

Inatsisartut immikkoortuanni aningaasaliissutit Inatsisartut Siulittaasoqarfiata kissaateqarneratigut akinut akissarsianullu tamakkiisumik 2,34 procentimik iluarsiiissuteqarfigineqarput. Taamatut kissaateqarnermut Inatsisartut Siulittaasoqarfiat tunngavilersuuteqarsimanersoq paasissutissiissutigineqassasoq ataatsimiititaliamit kissaatigineqarpoq?

AKISSUT

Suliassaqarfik 01-ip ataani aningaasaliissutinik AA-mik nalimmassaanermut apeqqut pillugu Aningaasaqarnermut Akileraartarnermullu Naalakkersuisoqarfik Inatsisartut Allattoqarfiannik oqaloqatiginnippoq. 2026-mut aningaasanut inatsisissatut siunnersuummi aningaasaliissutit AA-mut tamakkiisumik iluarsiiissummik 2,34 procentitut annertussuseqartumik nalimmassarneqarnerat, oqaloqatigiinnerup taassuma inerneraa.

Tamakkiisumik AA-mik nalimmassaanissamut kissaatit tunuliaqutaanik erseqqinnerusumik nassuiaammik pigisaqartoqanngilaq.

23 Nalunaarsuiffik 9. 2022-2029-mi IST-mi IS-imilu angusarineqartut missingersuutillu (qup. 210).

23.1 Nalunaarsuiffik atorneqarsinnaasut ilanngullugit missingersuutit inissisimanerannik ilaneqassasoq ataatsimiititaliamit qinnutigineqarpoq.

AKISSUT

Nalunaarsuiffik 2. Aningaasartuutit annertuseriarnissaannut killigititanut takussutissiivik

	AIS 2026	UM 2027	UM 2028	UM 2029
Aningaasartuutitut killissaq	6.220,1	6.153,8	6.124,5	6.281,7
AIS 2026	5.850,1	5.944,5	5.921,1	5.961,3
AIS 2026 atugassat	370,0	209,3	203,4	320,4

Aningaasartuutit annertuseriarnissaannut aalajangersakkamut sanilliullugu ukiuni ataasiakkaanni aningaasartuuteqarnerunissamut inissaqartoq takussutissiiviup takutippaa. Tamatuma aningaasartuuteqarnermi politikimi atugassaq takutippaa, peqatigisaanilli atugassat taakku missingersuutit pillugit inatsimmi piumasaqaat alla pingaarutilik malillugu nalilerneqassapput: Tassalu aningaasanut inatsit piffissaq ukiut sisamat isigalugit IST-p inernera ataatsimut amigartoorfiussanngitsoq. Taamaalilluni aningaasartuutissanut sinaakkutit iluanniinnarnissaq naammanngilaq; ataatsimummi angusat aamma oqimaaqatigiittussaapput.

Taamaalilluni aningaasaqarnermut politikikkut atugassat marloqiusamik killilersuummik aalajangersaavigineqarput:

1. **Aningaasartuutit qaffasinnerpaaffissaat**, pisortat aningaasartuutaasa annertusiartortarnerannik killiliisoq.
2. **Angusanut piumasaqaat**, ukiut sisamat ingerlaneranni IST-mi angusani amigartoonissamik missingersuusiortoqannginnissaanik pisussaaffiliisoq.

Aatsaat piumasaqaatit tamarmik ataatsikkut naammassineqarpata, aningaasartuutitut politikikkut atugassat ilanngunneqarsinnaapput. Taamaalilluni angusassanut piumasaqaat aningaasartuutit qaffasinnerpaaffissaannit sukaterineruppat, aningaasartuutini atugassat takussutissiiviinnarmi malugineqarsinnaasumit annikinnerusinnaapput. Tamatuma nunatta karsiani aningaasanik atugassaqartinnagu, inatsisit malillugit aningaasartuutit qaffanneqarnissaata naammannginnera kinguneraa.

Oqaasertaliussat

Oqaasertaliussat aningaasanut inatsisissatut siunnersuummi ilanngussaq 2-mi ilanngunneqarput. Oqaasertaliussat inatsisip oqaasertaatut atuupput, taamaalillunilu oqaasertaliussat aqqutigalugit inatsisit allat saneqqunneqarnissaat imaluunniit ilassuteqarfigineqarnissaat qinnutigineqarsinnaavoq.

Aningaasaqarnermik aqutsinermut tapertassatut aningaasaqarnikkut atugassiissutitik tigussaasunik iliuseqarnissamut Naalakkersuisunik piginnaatitsissutitut oqaasertaliussat pingaarnertut iluseqartinneqartarput.

Naalakkersuisut ataasiakkaat suliassaqaarfiisa iluanni oqaasertaliussat nutaat allanngortitalluunniit pillugit Naalakkersuisut nassuiaataannik tigusaqarnissaq ataatsimiititaliamit kissaatigineqarpoq. Nassuiaanerup imarissavaa allannguutip imaluunniit nutaamik ilanngussinerup kingunerisassaasa nassuiaatigineqarnerat. Kiisalu nassuiaatit imarissavaa oqaasertaliussap suli pisariaqartinneqarneranut imaluunniit oqaasertaliussamik nutaamik ilanngussisoqarnissaanut tunngavilersuut.

Oqaasertaliussat nutaat allannguinerillu

Inatsiartut – Suliassaqaarfik 01

Suliassaqaarfik 01-imut oqaasertaliussat Inatsisartut Allattoqarfiannit Naalakkersuisunut nassiunneqarput. Taakku suliassaqaarfik 01-imi aningaasaliissutit assigalugit Naalakkersuisunit aaqqissuunneqarnatik nalimmassaneqarnatilluunniit nassiunneqartutut ilanngunneqartarput. Taamaalilluni oqaasertaliussanut taakkununga tunuliaqutaasut Naalakkersuisut erseqqinnerusumik ilisimangilaat. Taakku pillugit paasissutissanik erseeqqinnerusunik kissaateqartoqarpat, Ataatsimiititaliap Inatsisartut Siulittaasoqarfiannut saaffiginninnissaa inussiarnersumik innersuussutigineqarpoq.

Naalakkersuisut – Suliassaqaarfik 10 - 89

Nr. 2-mut: Oqaasertaliinerup pisoqqap erseqqinnginnera pissutigalugu oqaasertaliussaq nalimmassarneqarpoq.

Nr. 8-mut: Sanaartornermut Iluarsartuussisarnermullu Aningaasaateqarfimmi suliniutitut suliniutitik aqutsisut amerlineqarnerannut atatillugu aningaasat nalimmassarneqarput, tassani mittarfiit aaqqissugaanerat aningaasaateqarfimmillu aningaasalersuineq ilanngullugu.

Nr. 10-mut: Oqaasertaliussanut nassuiaatit nutarterneqarput.

Nr. 12-mut: Pigisanik nalilinnik appasissumik nalilimmik pisinermi sulianik ingerlatsineq oqilisaaviginiarlugu oqaasertaliussat ilanngunneqarnissaat kissaatigineqarpoq. Tamanna immikkut inoqarfinni minnerusuni atuuppoq assersuutigalugu sulisunut inissianik pisinerni.

Naalakkersuisut Siulittaasuata Naalakkersuisoqarfia – Suliassaqaarfik 10 - 12

10.98.01-mut: Nr. 5 Digitalinngorsaanermik Aqutsisoqarfiup immikkoortut sulianik Digitalinngorsaanermut Aqutsisoqarfik ilisimatinnagu ingerlataminnik annertuliineranni licensinut assigisaannilluunniit aningaasartuutitut

akiligassaminik ingerlatitseqqissinnaanerani periarfissiivoq. Taakku tassaasinnaapput sulisut avataanilluunniit siunnersortinik atorfinitsitsinerit.

10.98.04-mut: Oqaasertaliussaam tamarmik nutaajupput. Nr. 1-mit 5-mut oqaasertaliussanut 10.98-01-mut assigiimmik siunnerfeqarlutillu siunertaqarput; tassa nioqqutissanik sullississutinillu pisinernik isumaqatigiissuteqarnissamik periarfissiineq, aningaasartuutaanerusunik aningaasartuutikissutinilluunniit ukiumut aningaasanut inatsiseqarfimmut nutaamut nuussisinnaaneq, missingersuutitut sunniuteqanngitsunik nuussinernik nuussinerit, allaffissornikkut immikkoortunut nutaanut akuersissutaannik atuisutullu aningaasartuutaannik allanik akiligassat ingerlateqqissinnaaneri kiisalu immikkoortunut pioreersunut licensitut atuisutullu aningaasartuutitut allanut atatillugu aningaasartuutaanerusunut akiligassanik ingerlatitseqqissinnaanermik piginnaatitaaffeqarneq.

10.98.05-mut: Oqaasertaliussat tamarmik nutaajupput. Nr. 1-mit 5-mut oqaasertaliussanut 10.98-01-mut assigiimmik siunnerfeqarlutillu siunertaqarput; tassa nioqqutissanik sullississutinillu pisinernik isumaqatigiissuteqarnissamik periarfissiineq, aningaasartuutaanerusunik aningaasartuutikissutinilluunniit ukiumut aningaasanut inatsiseqarfimmut nutaamut nuussisinnaaneq, missingersuutitut sunniuteqanngitsunik nuussinernik nuussinerit, allaffissornikkut immikkoortunut nutaanut akuersissutaannik atuisutullu aningaasartuutaannik allanik akiligassat ingerlateqqissinnaaneri kiisalu immikkoortunut pioreersunut licensitut atuisutullu aningaasartuutitut allanut atatillugu aningaasartuutaanerusunut akiligassanik ingerlatitseqqissinnaanermik piginnaatitaaffeqarneq. Nr. 6 isumaqarpoq immikkoortut aningaasartuutit qaffasissusaannik aalajangeeqataasut tunngaviumik paasisutissanut pilersaarutip aningaasalersueqataaffiginissaanut peqquneqarsinnaanerat.

Aningaasaqarnermut Akileraartarnermullu Naalakkersuisoq – Suliassaqarfik 20 – 24 kiisalu 80¹ aamma 82

Suliassaqarfik 20-24 nr. 2 aamma nr. 3: Oqaasertaliussat nutarterneqarput.

Kontu pingaarnermut 20.01.01, nr. 1-imut: Atuivallaarnermut killilissaq oqaasertaliussani nuussisinnaanernut periarfissat assigiissarneqarnerannut atatillugu aningaasanit procentimut allanngortinneqarput.

Siunertamut kontu 20.10: Oqaasertaliussat erseqqissaavigineqarput taamaalilluni namminersorlutik oqartussani aningaasanik uninngasuutini nikeriarnerni suut pineqarnerat ersarinnerulersinneqarluni.

20.10.11-mut: Nukissiorfiit tiguisinnaatitaanerat 150 mio. kr.-nit 175 mio. kr.-nut annertusineqarpoq.

¹ Immikkoortoq 80-89 Sanaartornermut immikkoortumi oqaasertaliussanut nr. 1-9-mut oqartussaannikkut akisussaaneq Aningaasaqarnermut Naalakkersuisoqarfimmut Ineqarnermullu Attaveqarnermullu Naalakkersuisoqarfimmut avinneqarpoq.

24.01.01.-imut: Nuussisinnaanermut periarfissaq 3 mio kr.-nit 4 mio. kr.-nut allanngortinneqarpoq.

24.11.10-mut: Oqaasertaliussat 2026-mut nutarsarneqarput.

24.11.13-mut: Oqaasertaliussat ukiumit ullorsiuteqarfiusumit ukiumut aningaasanut inatsiseqarfinngorlugit nutarterneqarput.

24.11.22-mut: Erninermut aningaasaateqarfimmut akiliinermi ilassutissaq Erninermut Aningasaateqarfimmi aningaasanik amerliartortorneq annikillisinniarlugu 2026-mi 0 procentimut allanngortinneqarpoq.

24.11.27-mut: 2026-mi Svalbardimi Barentilluunniit imartaani raajarniartoqarnissaa aammaarluni ilimagineqarmat, oqaasertaliussaq UM2027-mut ilanngunneqarpoq.

80-89, nr. 1-2-mut: Piginnaatitsissut Naalakkersuisumut aalajangersimasumut sammitinneqarunnaarluni Naalakkersuisunut aaqqinneqarpoq, tak. oqaasertaliussani nalinginnaasumik periuserineqartoq.

80-89-mut: nr. 1-imut. Oqaasertaliussap nutaap ivertinneqarneranut tunngavilersuut oqaasertaliussanut nassuiaammi nassuiarneqarpoq.

Meeqqanut, Inuusuttunut Ilaqutariinnullu Naalakkersuisoq – Suliassaqarfik 30

30.01.03-mut: Oqaasertaliussanik assigiissaarinermut atatillugu nuussisinnaanermut periarfissaq aningaasanit procentinngorlugi allanngortinneqarpoq. Tamatuma periarfissap 3 mio. kr.-t 0,8 mio. kr.-nut annikillinera malitsigaa.

30.10.45-mut: Oqaasertaliussanik assigiissaarinermut atatillugu nuussisinnaanermut periarfissaq aningaasanit procentinngorlugi allanngortinneqarpoq. Tamatuma periarfissap 3 mio. kr.-t 0,9 mio. kr.-nut annikillinera malitsigaa.

30.10.48-mut: Oqaasertaliussanik assigiissaarinermut atatillugu nuussisinnaanermut periarfissaq aningaasanit procentinngorlugi allanngortinneqarpoq. Tamatuma periarfissap 3 mio. kr.-t 1,7 mio. kr.-nut annikillinera malitsigaa.

Isumaginninnermut, Suliffeqarnermut, Nunamut Namminermut Avatangiisinullu Naalakkersuisoq – Suliassaqarfik 31

Suliassaqarfik 31-mut: Nr. 3 nutaajuvoq oqaasertaliussallu nutaap ivertinneqarneranut tunngavilersuut oqaasertaliussanut nassuiaatini nassuiarneqarpoq.

31.03.34-mut: Kalaallit Nunaanni Naatsorsueqqissaartarfiup procentimut aaqqiissummut nalimmassaataanut aaqqinneqarpoq.

31.03.35-mut: Nr. 2 nutaajuvoq oqaasertaliussallu nutaap ivertinneqarneranut tunngavilersuut oqaasertaliussaut nassuiaatini nassuiarneqarpoq.

31.07.02-mut: Nr. 1-imi atuivallaarutitut atuinikissutinulluunniit killiliussaq oqaasertaliussanik assigiissaarinermut atatillugu aningaasanit procentimut allanngortinneqarpoq.

Peqqissutisimut Inunnullu Innarluutilinnut Naalakkersuisoq – Suliassaqarfik 34

34.01.09, nr. 1 aamma nr. 2-mut: Oqartussaaffinnik allannguneq pissutigalugu suliassaqarfik 34-mut nuunneqarpoq.

34.11.08-mut: Oqaasertaliussat AI2025-mit ingerlateqqitaapput, ”1. januar 2023 aallarnerfigalugu atuutilersoq” peerneqarneranik nutarterneqarput.

34.12.02-mut: Oqaasertaliussat AI2025-mit ingerlateqqitaapput, Naalakkersuisulli kisimik atuinikissutinik nuussisinnaanermik tunngavissaqarnerat, takuneqarsinnaanngorlugu aaqinneqarput.

34.12.03-mut: Oqaasertaliussat AI2025-mit ingerlateqqitaapput, Naalakkersuisulli kisimik Air Greenland A/S-mit allaanerusunik ingerlatsisunik napparsimasunik angallassingasuarsinnaanerit pillugit isumaqatigiissuteqarsinnaanerit takuneqarsinnaanngorlugu aaqqigallerneqarput.

Ilinniartitaanermut, Kulturimut, Timersornermut Ilageeqarnermullu Naalakkersuisoq – Suliassaqarfik 40

Ataatsimut isigalugu oqaasertaliussat nuussisinnaanermut periarfissiisut aningaasartanik procentinngorlugit oqaasertaliussanik assigiissaarinermut atatillugu allanngortinneqarput. Tamatuma saniatigut Namminersorlutik Oqartussat qitiusumik ilinniarfiinik ilaatitsisunik oqaasertaliussat assigiit arlallit, aningaasanut inatsisissatut siunnersuut atuisunut atuarnullu paasiuminarnerulersinniarlugu oqaasertaliussamut ataatsimut katersorneqarput.

Aalisarnermut, Piniarnermut, Nunalerinermut Imminullu Pilersornermut Naalakkersuisoq – Suliassaqarfik 50 – 51

Allannguisoqanngilaq.

Nunanut Allanut Ilisimatusarnermullu Naalakkersuisoq – Suliassaqarfik 62-64

64.01.01-imut: Naalagaaffinngornissamut immikkoortup Nunanut allanut Ilisimatusarnermullu Naalakkersuisup ataaniikkunnaarnera pissutigalugu, oqaasertaliussanut nassuiaatit nutarterneqarput, aaqqitatullu ingerlateqqinneqarlutik.

64.30.01 - nr. 1 aamma 2-mut: Oqaasertaliussanut nassuiaatit 2025-mut nutarterneqarput.

64.30.03-mut: Oqaasertaliussanut nassuiaatit 2025-mut nutarterneqarput, nr. 2-lu aningaasanut atorneqanngitsunut erseqqissarneqarpoq.

**Inuussutissarsiornermut, Aatsitassanut, Nukissiuutinut, Inatsisit
Atuutsinneqarnerannut Naligiissitaanermullu Naalakkersuisoq –
Suliassaqarfik 66 – 67**

67.03.05, nr. 2-mut: Nuussisinnaanermut periarfissamut annertunerpaaffiliisoqarpoq.

67.01.04, nr. 2-mut: Ineqarnermut maalaaruteqartarnermut akiliut 66 kr.-mit 70 kr.-mut aqqigallerneqarpoq.

**Ineqarnermut, Attaveqaateqarnermut Isorliunerusunullu Naalakkersuisoq –
Suliassaqarfik 70-72 kiisalu 87 aamma 89.72**

70.01.07-imut: Oqaasertaliussaq nr. 2: Oqaasertaliussani nuussisinnaanermut periarfissat ataatsimut assigiissarneqarnerannut atatillugu atuinikissutini nuussisinnaanermut killiliussaq allanngortinneqarpoq.

72.20.07-imut: Siunissami sullissinissamik isumaqatigiissutit aningaasartaasa katinnerini allaffissornermi akiliummik 1 procentimik akiliisitsisoqartarnissaata ilanngunneratigut oqaasertaliussat ilaneqarput. Allaffissornermi akiliut naalakkersuisoqarfimmi inatsisinik, malittarisassanik innuttaasullu il.il. isumaqatigiissuteqartumut iluaqutaasunik saaffiginninnerinik suliarinninnermi sulinermit matussusiissaaq.

87.73.20-mut: Nunap immikkoortuini mittarfinnut nutaanut isumassarsianut sanaartornermullu pilersaarummut tunngatillugu, Naalakkersuisut Greenland Airports A/S-mik isumaqatigiissuteqarsinnaanerannik piginnaatikkumallugit oqaasertaliussat ivertinneqarnissaat kissaatigineqarpoq. Taamaalilluni suliap ingerlanerani assigiiartuuneq sukkassuserlu qulakkeerneqassapput, suliariumannittussarsiuussinerimmi nutaamik isumaginnittoqarsinnaasut pinngitsoortinneqassammata.

Missingersuutinut ilanngussat:

Naalakkersuisut ataasiakkaat suliassaqarfiisa iluanni kontu pingaarnerni aningaasaliissutitut allannguutit Naalakkersuisunit nassuiaatigineqarnissaat ataatsimiititaliamit kissaatigineqarmat.

AKISSUT

Aningaasaliissutitut allannguutitut nalunaarsuiffittut suliarineqartoq
oqaaseqarfigineqartorlu, ilanngussaq 1-itut ilanngunneqartoq
innersuussutigineqarpoq.

Inussiarnersumik inuulluaqqusillunga

Múte B. Egede

Ilanngussat

- Ilanngussaq 1. AI2025-mit AIS2026-mut allanngukkat.

Ilanngussaq 1.

AI202-mit AIS2026-mut allannguutit, mio. kr.

AI-konto		Taaguut	AI 2025	AIS 2026	Nikingassut	Allannguummut pissut
010101	D	Inatsisartut Allattoqarfiat	32,9	33,6	0,8	
010611	T	Naalakkersuinikkut sulineq	14,7	15,0	0,3	
011010	D	Inatsisartut	37,9	37,2	-0,7	
011013	T	Nunat Avannarliit Killiit Siunnersuisoqatigiiffiat	0,7	0,7	0,0	
011016	D	Ilaasortat ineqartinneqarnerat	4,4	6,1	1,7	
011101	D	Inatsisartut Ombudsmandiat	13,3	12,9	-0,5	
011102	D	Ombudsmandeqarfiup illutaasa aserfallatsaalineqarnerat	0,3	0,3	0,0	
012001	D	Kukkunersuiusut avataaneersut	2,5	2,6	0,1	
100101	D	Naalakkersuisut Siulittaasuata Naalakkersuisoqarfia, allaffissorneq	22,3	23,8	1,6	Suliassaqarfimmik allannguneq (appaaneq), Suliassaqarfimmik allannguneq (qaffaaneq)
100105	D	Suliassaqarfiit assigiinngitsut aqutigalugit Aqutsineq aamma Qitiusumik Sulisunut Politikeqarneq	15,6	15,0	-0,6	
100106	D	Nutaaliornermi suliassat suliniutissallu	6,5	5,0	-1,5	
101010	D	Naalakkersuisut	17,5	17,5	0,0	
101011	D	Naalakkersuisut allattaat	8,6	8,6	0,0	
101310	I	Iluaaarutit, aktianik piginneqatigiiffinniit piginneqataassutit tunisinerillu	-195,4	-50,0	145,4	
101311	T	Aktiaateqarluni ingerlatseqatigiiffinnut aningaasanngorlugit aningaasartuutit	7,0	0,0	-7,0	
109801	D	Digitaliseeriinermut Aqutsisoqarfik	54,6	26,2	-28,4	Suliassaqarfimmik allannguneq (qaffaaneq)
109802	D	Nuna tamakkerlugu digitalinngortitsinissamut periusissiap atuutsilernerat	12,5	9,0	-3,6	
109803	D	Inussuk IT	24,6	24,1	-0,5	
109804	T	Digitalinngorsaanermt Aqutsisoqarfiup pisortat ataatsimoorullugu atortulersuutaat	0,0	24,8	24,8	Suliassaqarfimmik allannguneq (qaffaaneq)
109805	T	Digitalinngortitsinermut Aqutsisoqarfiup digitalinngortitsilluni aqqiussutegartarnera	0,0	3,7	3,7	Suliassaqarfimmik allannguneq (qaffaaneq)
120101	D	Kalaallit Nunaata K�benhavnimi Sinniisoqarfia, Ingerlatsineq	8,7	8,5	-0,2	
120110	D	Kalaallit Nunaata K�benhavnimi Sinniisoqarfia, Ineqarnermut akiliutit	5,3	5,3	0,0	
120111	D	Namminersorlutik Oqartussat K�benhavnimi inissiaataat	0,1	0,1	0,0	
120114	T	Atlantiku Avannaamiut Tulattarfiannut tapiissutit	0,5	0,5	0,0	
200101	D	Aningaasaqarnermt Akileraartarnermullu Naalakkersuisoqarfik	26,9	27,0	0,1	Suliassaqarfimmik allannguneq (qaffaaneq)
200102	D	Kommuninut immikkoortumi immikkut aningaasartuutit	0,0	0,0	0,0	
200108	D	Eqqartuussisutigoortitsinermut aningaasaliissutit, eqqartuussivimmi suliat, Aningaasaqarnermt Naalakkersuisoqarfik aqutsisoqarfillu tassunga atasut	0,0	0,0	0,0	
200111	D	Nuna tamakkerlugu pilersaarusiornermt immikkoortortaqaarfik	0,0	0,0	0,0	
200116	D	Pisortat ingerlatsiviannik aqqiussusseqqinneq	0,0	6,0	6,0	
200520	T	Kommuninut ataatsimoortumik tapiissutit	2.037,0	1.931,8	-105,2	
200540	I	Naalagaaffiup ataatsimoortumik tapiissutai	-4.453,6	-4.524,7	-71,1	
200544	I	EU-mik suleqatigiinnissamik isumaqatigiisummit isertitat	-251,5	-261,5	-10,0	
201011	I	Ilanngaaseereerluni erniat	-10,0	-10,0	0,0	
201020	I	Nationalbankip sinneqartoortaanit pissarsiassat	-5,0	0,0	5,0	
201022	I	Isertitat allat	-6,0	-10,0	-4,0	
201150	T	Ingerlatsinermut sillimmatit	21,9	16,6	-5,4	
201151	D	Nioqqutissanik pilersuineq aningaaseriveqartitsinerlu	0,0	0,0	0,0	
201156	D	Missingersuutini iluarsineq, allaffissorneq	-15,0	0,0	15,0	

AI-konto		Taaguut	AI 2025	AIS 2026	Nikingassut	Allannguummut pissut
201170	D	Suliniutinut nutaanut sillimmatit	46,0	0,0	-46,0	
201212	T	Nioqutissanik pilersuineq aningaaseriveqartitsinerlu	0,0	28,2	28,2	Suliassaqarfimmik allannguneq (qaffaaneq)
201601	D	Naatsorsueqqissaartarfik	12,1	11,5	-0,6	
203001	D	Aningaasaqarnermut Sulisoqarnermullu Aqutsisoqarfik, ASA	62,7	61,7	-1,0	
203004	L	Sulitilluni ajoqusersinnaanermut sillimmasersimasussaatitaaneq kiisalu angalanermut	12,2	12,6	0,4	
203005	D	Aningaasaqarnikkut peruserineqartussanut, pilersaarusiornissanut misissueqqissaarnernillu sulinissaq	1,5	1,1	-0,4	
203007	I	Ineqarnermut tapersiissuteqartarneq, erniat akilersuutillu, ilanngaaseriikkat	-7,0	-5,0	2,0	
203009	D	Ineqarnermut tapersiissuteqartarneq, erniat akilersuutillu, ilanngaaseriikkat	5,1	4,7	-0,4	
203010	D	Illuutiniq ingerlatsineq aserfallatsaaliunerlu	44,4	43,0	-1,4	
240101	D	Illuutiniq ingerlatsineq aserfallatsaaliunerlu	94,5	95,7	1,2	
240115	I	Pissanut allanut siusinnerusukkut isumakkiikkanut akiliutit	-5,5	-1,2	4,3	
240116	D	Sulisitsisunit annaasat	0,0	0,0	0,0	
240120	I	Akilaarutinut akiliitsissutit	-5,5	-5,0	0,5	
240121	I	Akitsuitutit akiliitsissutit	-0,3	-0,3	0,0	
240610	L	Ernianut tapiissutit, ileqqaaruteqarnissamik aaqissuussinerit	2,8	2,8	0,0	
240614	L	Sulinerlutit ilanngaasat	288,7	226,0	-62,7	
241010	I	Nuna tamakkerlugu akilaarut	-1.329,0	-1.320,7	8,3	
241011	I	Nuna tamakkerlugu immikkut akilaarut	-100,0	-95,0	5,0	
241012	I	Ingerlatseqatigiiffiit akilaarutaat	-48,0	-25,0	23,0	
241013	I	Pensionisiantut akilaarutit	-55,0	-50,0	5,0	
241014	I	Ingerlatseqatigiiffiit akilaarutaat iluanarutiniillu akilaarutit	-90,0	-120,0	-30,0	
241110	I	Nioqutissanik eqqussuinnermi akitsuutit	-641,0	-645,0	-4,0	
241111	I	Qamutitut motoorilinnut akitsuutit	-103,0	-97,0	6,0	
241113	I	Umarsualivimmiinnermut akilaarutit	-30,0	-29,0	1,0	
241114	I	Naqissusiinnermut akitsuutit	-43,0	-38,0	5,0	
241115	I	Eqquiniaasitsinnermi akilaarutit	-3,5	-4,0	-0,5	
241117	I	Aningaasanik ikisilluni pinnguaatinut akilaarutit	-4,7	-4,3	0,4	
241120	I	Akitsuitutit, akiliilluni piniarneq aalisarnerlu	-0,2	-1,4	-1,2	
241121	I	Tipsernermi lottornermilu akitsuutit	-9,8	-9,8	0,0	
241122	I	Sulisoqarnermut akitsuut	-264,6	-254,3	10,3	
241123	I	Nukissiornermi ikummatissat avatangiisinut akitsuutaat	-20,0	-18,5	1,5	
241124	I	Aatsitassanut, sermermut imermullu akitsuutit	0,0	0,0	0,0	
241127	I	Aalisarnermi pisuussutit iluaquteqarnermi akitsuutit	-450,9	-385,0	65,9	
241128	I	Unnuinnermi akitsuutit	0,0	0,0	0,0	
300101	D	Meeqqanut, Inuusuttunut Ilaqutariinnullu Naalakkersuisoqarfik	12,6	12,4	-0,1	Suliassaqarfimmik allannguneq (appaaneq), Suliassaqarfimmik allannguneq (qaffaaneq)
300102	D	Isumaginninnermut Aqutsisoqarfik	38,7	33,0	-5,7	Ressortændring (nedsættelse)
300103	D	Isumaginninneq pillugu pikkorissartitseqqinnerit ilinniartitseqqinnerillu	10,8	8,6	-2,3	Ressortændring (nedsættelse)
300104	D	Namminersorlutik Qortussat illuutaannik aserfallatsaaliuineq, Ilaqutareeqarneq	0,0	0,0	0,0	
301037	D	Nuna tamakkerlugu meeqqanut inuusuttunullu	7,4	7,4	0,0	
301045	D	Meeqqat inuusuttullu immikkut ittumik	9,7	9,2	-0,5	
301048	D	Isumaginninnikkut peqqissutsikkullu pinaveersaartitsineq	20,6	17,1	-3,5	
301049	D	Sumiginnaasarneq akiorniarlugu isumaginninnikkut suliniutit	0,0	0,0	0,0	
301307	T	Kalaallit Nunaanni inissiinnermut qitiusumik immikkoortitat	3,9	3,0	-0,9	Suliassaqarfimmik allannguneq (appaaneq)
301341	D	Innarluutilinnut angerlarsimaffiit	0,0	0,0	0,0	

AI-konto		Taaguut	AI 2025	AIS 2026	Nikingassut	Allannguummut pissut
301343	D	Pissassarfik	11,7	0,0	-11,7	Suliassaqarfimmik allannguneq (appaaneq)
301344	L	Eqqarsartaatsimikkut kinguarsimasunik pinerluttulerinermi inatsit malillugu inissineq	34,0	0,0	-34,0	Suliassaqarfimmik allannguneq (appaaneq)
301401	D	Ikorsiinasuarfimmik siunnersuisarfirmillu nuna tamakkerlugu saaffiginnittarfik	34,4	32,4	-2,0	
301429	D	Isumaginninnermi suliniutit	11,1	11,1	0,0	
301431	T	Meeqqat pisinnaatitaaffii pillugit suliffik	6,4	6,4	0,0	
303004	T	Innarluutillit Illersuisuat	5,3	0,0	-5,3	Suliassaqarfimmik allannguneq (appaaneq)
303006	T	Inuit Pisinnaatitaaffiit Kalaallit Nunaata Siunnersuisoqatigiivi	0,0	0,0	0,0	
310101	D	Isumaginninnermut, Suliffeqarnermut Nunamullu Namminermut Naalakkersuisoqarfik	26,4	25,8	-0,7	Suliassaqarfimmik allannguneq (appaaneq)
310201	D	Inersimasunut isumaginninnikkut atugarliuteqartunut suliniutit	2,1	1,1	-1,0	
310206	T	Inuit Pisinnaatitaaffiit Kalaallit Nunaata Siunnersuisoqatigiivi	3,6	3,5	-0,1	
310207	T	Utoqqaat Illersuisuat	1,9	1,8	0,0	
310212	D	Danmarkimi eqqartuunneqarsimasunik oqaloqatiginnittartoqarneq	0,7	0,7	0,0	
310232	T	Akiitsut pillugit siunnersuineq	3,9	3,8	-0,1	
310308	L	Danmarkimi siusinaartumik pensionisiat	482,8	573,8	91,0	
310311	L	Danmarkimi siusinaartumik pensionisiat	8,3	8,3	0,0	
310312	L	Isumaginninnikkut isumannaarinerit, Inunnut Isumaginninnikkut	10,0	10,0	0,0	
310320	L	Ineqarnermut tapiissutit	55,5	55,5	0,0	
310332	L	Meeqqanut tapiissutit	41,5	41,5	0,0	
310334	L	Meeqqanut akilersuutit meeravissiaartaarnerlu kiisalu meeqqanu	5,0	5,0	0,0	
310335	T	Erninermit aningaasaateqarfik	37,6	0,0	-37,6	
310336	L	Erninermit ullormusiat	26,5	26,5	0,0	
310702	T	Piginnasaanik ineriartortitsiviusumik pikkorissarnerit	25,6	24,0	-1,6	
310703	T	Nuttarnerulersitsiniarluni aningaasaliissutit	1,2	0,7	-0,5	
310704	L	Piginnangorsaaqqinneq	11,2	9,2	-2,0	
310705	T	Majoriaq	49,5	47,2	-2,3	
310706	D	Nuna tamakkerlugu suliffissanut isertarfik	0,9	0,9	0,0	
310707	L	Ilinniartunut tapiissutit - Majoriaq	20,1	20,1	0,0	
310806	D	Nakkutilliisoqarfik	0,1	0,1	0,0	
310807	D	Qinersinernut aningaasartuutit	1,8	0,5	-1,3	
310834	D	Partiit qineqqusaarnissaannut tapiissutit	5,3	0,0	-5,3	
310835	D	Nunaqqatigiit Siunnersuisoqatigiivi	0,6	0,6	0,0	
340101	D	Peqqissutsimut inunnulugu Innarluutilinnut Naalakkersuisoqarfik	21,3	24,2	3,0	Suliassaqarfimmik allannguneq (qaffaaneq)
340102	L	Napparsimasunut taarsiissutit	8,7	8,7	0,0	
340103	T	Peqqinnissaq pillugu siunnersuisoqatigiit	0,8	0,8	0,0	
340106	T	Ataatsimut kalerriisarfik	1,7	1,7	0,0	
340107	T	Qatserisunut taarsigassarsiat	3,0	3,0	0,0	
340108	T	Isumaginninneq pillugu pikkorissartitsisarnerit ilinniartitseqqittarnerillu	0,0	2,3	2,3	Suliassaqarfimmik allannguneq (qaffaaneq)
340109	T	Kalaallilu Nunaanni inissiinernut qitiusumik immikkoortitat	0,0	0,9	0,9	Suliassaqarfimmik allannguneq (qaffaaneq)
340111	D	Pissassarfik	0,0	11,8	11,8	Suliassaqarfimmik allannguneq (qaffaaneq)
340112	L	Eqqarsartaatsimikkut kinguarsimasunik pinerluttulerinermi inatsit malillugu inissineq	0,0	32,0	32,0	Suliassaqarfimmik allannguneq (qaffaaneq)
340113	T	Innarluutillit Illersuisuat	0,0	5,4	5,4	Suliassaqarfimmik allannguneq (qaffaaneq)
341001	D	Peqqissutsimut Pitsaaliuinerimullu Aqutsisoqarfik	10,0	10,1	0,1	
341002	D	Namminersorlutik Oqartussat illuutaannik aserfallatsaaliuineq	25,2	25,5	0,3	

AI-konto		Taaguut	AI 2025	AIS 2026	Nikingassut	Allannguummut pissut
341101	D	Napparsimasut nunani allani katsorsarneqartarnerat, timikkut nappaatit	155,9	158,6	2,7	
341102	D	Napparsimasut nunani allani katsorneqartarnerat, tarnikkut nappaatit	23,9	24,3	0,4	
341103	D	Dronning Ingridip Napparsimavissua	544,0	552,6	8,5	
341104	D	Kalaallit peqqissartut angerlarsimaffiat	41,7	42,4	0,7	
341108	D	Atornerluisunik katsorsaannermut pilersaarut	36,6	37,0	0,4	
341110	D	Steno Diabetes Center Grønland	4,8	4,9	0,1	
341111	L	Pinerluttulerinermi inatsit malillugu tarnimikkut nappaatillit inissinneqartarnerat	18,2	26,0	7,8	
341112	L	Illerfinnik assartuinerit	1,8	0,0	-1,8	Suliassaqarfimmik allannguneq (appaaneq)
341113	D	Peqqinnissaqarfiup aningaasanut naalagaaffiup immikkoortitaanut isumaqatigiissut	0,0	0,0	0,0	
341201	D	Nunap immikkoortuini peqqinnissaqarfiit, nakorsanit sullinneqarneq	482,5	490,5	7,9	
341202	D	Nunatsinni Peqqinnissakkut Ilinniartitaanikkullu suliniutit	20,5	20,7	0,2	
341203	D	Napparsimasut angalaneri aamma napparsimasunik aallarussigasuarnerit ilil	111,0	114,7	3,7	Suliassaqarfimmik allannguneq (qaffaaneq)
341205	D	Nuna tamakkerlugu nakorsaaserisoqarfik	85,1	86,4	1,4	
341206	D	Ataatsimut aningaasartuutit	104,4	106,1	1,7	
341301	D	Peqqinnissaqarfiit, Kigutigissaaneq	78,3	79,6	1,4	
341401	D	Nunatsinni Nakorsaaneqarfik	8,9	9,0	0,1	
400101	D	Ilinniartitaannermut, Kultureqarnermut, Timersornermut Ilageeqarnermullu Naalakkersuisoqarfik	28,5	29,2	0,7	
400103	D	Ilinniartitaaneq	1,5	1,5	0,0	
400108	T	Ilinniartitaannermut Immikkoortunut Pilersaarut	8,8	7,6	-1,3	
400121	T	Ilinniartitsinermut Periusissiaq	0,0	4,9	4,9	
400201	D	Ilinniartut Ineqarfiisa Allaffeqarfiat	15,5	15,1	-0,4	
400203	L	Aningaaserivinni taarsigassarsiat taarsigassarsiallu akilerneqartarnerat	14,1	13,6	-0,5	
400205	I	Ilinniarnermut atatillugu taarsigassarsianut akilersuutit	-9,6	-11,2	-1,6	
400206	L	Ilinniarnermi tapiissutit meeqqanullu tapit	167,2	165,2	-2,0	
400207	L	Immikkut ikiorsiissutit, angalanermut aningaasartuutit ilil, suliffeqarfiit	54,1	51,3	-2,8	
401006	T	Kalaallit Nunaanni efterskolit ingerlanneqarnerinut tapiissutit	26,3	25,6	-0,7	
401010	D	Kalaallit Nunaata avataani atuartinneqarnissamut neqeroorutit	0,7	0,7	0,0	
401011	D	Ado Lyngep Atuarfia	10,7	10,4	-0,3	
401012	L	Efterskolit	10,4	11,4	1,0	
401235	D	GUX Aasiaat	38,7	36,4	-2,3	
401236	D	GUX Nuuk	46,9	45,6	-1,3	
404001	D	Ilinniartitaannermut Aqutsisoqarfik	58,2	60,0	1,8	
409002	T	Kalaallit illuinut tapiissutit	20,8	20,3	-0,5	
409007	D	Nunani tamalaani pilersaarutinut suleqatigiittoqarnera pillugu ilinniarnerni paasissutissiisarnenilu nutaaliorneq	1,8	1,5	-0,3	
409008	D	Ilinniartitaanerni PAT-i	13,9	13,5	-0,4	
409010	T	CopyDanimut isumaqatigiissut	1,8	1,7	0,0	
409013	D	AQQUT	19,3	18,1	-1,1	
409015	D	Ilinniartut ineqarfiinik attartortitsisarneq	6,5	6,4	-0,2	
409103	D	Pikkorissartitsisarnerit	9,9	9,6	-0,3	
409105	D	Inersimasunut ilinniartitaaneq	2,2	2,2	-0,1	
409106	D	Ilinniartitsisunik ilinniartitseqqittarneq	1,5	1,5	0,0	
409108	D	Kalaallisuuliornermik Ilinniarfik	3,4	3,4	-0,1	
409109	T	Center for Arktisk Teknologi	11,4	10,9	-0,5	
409114	D	Imarsiornermik Ilinniarfik	6,2	6,0	-0,3	

AI-konto		Taaguut	AI 2025	AIS 2026	Nikingassut	Allannguummut pissut
409116	D	Niuernermik Ilinniarfik, Nuuk	8,2	5,1	-3,1	
409120	D	Perorsaannermik Ilinniarfik	19,0	18,5	-0,5	
409121	D	Inuussutissalerinermik Ilinniarfik INUII	3,3	3,2	-0,1	
409123	D	Campus Kujalleq	19,0	18,5	-0,5	
409125	D	Peqqinnissakkut Ilinniartitaanernut Qitiusumik Ilinniarfik	11,3	10,7	-0,6	
409126	D	Isumaginninnermut suliaasaqarfimmi ilinniartitaanikkut suliniutit	15,6	14,1	-1,5	
409127	D	Teknikkimik Ilinniarfik	41,8	39,5	-2,3	
409131	L	Suliniutit aallaavigalugit tapiissutit	192,4	179,7	-12,7	
409210	T	Folkehøjskoler	18,8	18,4	-0,5	
409211	D	Eqqumiitsuliornermik Ilinniarfik	1,6	1,6	0,0	
409213	D	Ilisimatusarfik	100,3	98,5	-1,8	
409214	D	Ajoqissatut organistissatullu ilinniarneq	2,0	1,8	-0,2	
409218	D	Oqaatsinik pikkorissartitsinerit	1,5	1,2	-0,4	
409219	D	Pinngortitalerinermik Ilisimatusarfik	4,5	4,4	-0,1	
409411	D	Nunatta Atuagaateqarfia	16,7	16,3	-0,4	
409412	D	Kalaallit Nunaata Katersugaasivia Allagaateqarfialu	13,9	13,6	-0,4	
409413	T	Timersornermut tapiissutit	18,2	27,9	9,8	
409414	T	Nuna tamakkerlugu meeqqat inuusuttullu suliniaqatigiifinut tapiissutit	1,6	1,5	0,0	
409415	T	Kultureqarnermut tunngassuteqartunut isumaqatigiissutitigut pisussaaffigalugit tapiissutit	1,1	1,1	0,0	
409416	T	Najukkani TV-kkut Najukkanilu radiukkut aallakaatitsisarfiit peqatigiifinut tapiissutit	2,0	2,0	-0,1	
409417	T	Kalaallit Nunaata Radiua - KNR	75,1	73,0	-2,1	
409418	T	Katuaq	5,4	5,3	-0,1	
409420	D	Arctic Winter Games aamma Island Games	0,3	0,3	0,0	
409421	T	Danske Spil A/S-imi kaaviiartitanit Nunatta pisassaanit tapiissutit	43,2	43,2	0,0	
409422	I	Danske Spil A/S-imi kaaviiartitanit Nunatta pisassai	-43,2	-43,2	0,0	
409423	D	Eqqissimatitsineq kulturikkullu kingornussanut illersuineq	1,4	1,4	0,0	
409426	D	Kanalini digitaliusuni pininnaatitaanermut akiliutissat	3,4	3,3	-0,1	
409427	D	Oqaasileriffik	9,0	8,7	-0,2	
409429	T	Kanalini digitaliusuni pininnaatitaanermut akiliutissat	1,9	1,8	0,0	
409440	D	Kalaallit Nunaanni Filminstitutti	1,4	5,8	4,4	
409501	T	Eqqumiitsuliornermut kulturimullu tapiissutit allat	17,6	18,1	0,5	
409505	T	Nunatta Isiginnaartitsisarfia	12,6	12,2	-0,3	
409703	D	Kalaallit Nunaanni ilagiit	52,9	51,4	-1,5	
500101	D	Aalisarnermut, Piniarnermut, Nunalerinermut Imminullu Pilersornermut Naalakkersuisoqarfik	39,3	36,3	-3,0	
500109	T	Ilaasortaanermut akiliutit	2,8	2,8	0,0	
500117	I	Aalisarnek pillugu EU-mik isumaqatigiissutit	-23,9	-23,9	0,0	
500120	T	Aalisarnek piniarnerlu	2,7	2,7	0,0	
500650	T	Aalisarnermut aningaasaliissutitut immikkoortitat	10,9	7,1	-3,9	
510104	T	Aallarteqqinnissamut tapiissuteqartarneq	3,1	3,1	0,0	
510105	D	Nakkutilliisoqarfik aamma Piniarnermik Nakkutilliisoqarneq	43,2	40,8	-2,4	
510107	T	Aalisartut piniartullu siunnersortinit sullinneqarnerat	2,4	2,4	0,0	
510202	I	Aalisarnissamut pininnaatitaaffinnik tunisineq	-131,8	-131,8	0,0	
510301	D	Nunalerineq	0,0	2,0	2,0	Suliaasaqarfimmik allannguneq (qaffaaneq)
510302	T	Nunalerinermik inuussutissarsuteqartunut aningaasalersuinikkut tapersiisarneq	0,0	14,4	14,4	Suliaasaqarfimmik allannguneq (qaffaaneq)
510303	T	Ineriartortitsinerimut aningaasatigut tapiissutit, nunalerineq	0,0	4,0	4,0	Suliaasaqarfimmik allannguneq (qaffaaneq)

AI-konto		Taaguut	AI 2025	AIS 2026	Nikingassut	Allannguummut pissut
510304	T	Nunalerinermik inuussutissarsiutip siuarsarnera	0,0	13,6	13,6	Suliassa qarfimmik allannguneq (qaffaaneq)
510306	I	Ernianit isertitat	0,0	-0,8	-0,8	Suliassa qarfimmik allannguneq (qaffaaneq)
510705	T	Savaatillit nioqqutissanik pisiortornerminni taarsigassarsiaannut qularnaveeqqutinin akiliineq	0,0	1,2	1,2	Suliassa qarfimmik allannguneq (qaffaaneq)
510708	T	Kalaallit Nunaanni Imminut pilersornerup inerisarneqarnera	0,0	2,2	2,2	Suliassa qarfimmik allannguneq (qaffaaneq)
510740	T	Taarsigassarsiarititat ernialersugaanngitsut akilersuutitaqanngitsullu	2,9	2,9	0,0	
510743	I	Taarsigassarsianut ernialinnut akilersuutit	-0,7	-0,7	0,0	
510744	I	Ernianit isertitat	-0,1	-0,1	0,0	
510745	I	Taarsigassarsianut ernialinnut akilersuutit	0,0	-4,5	-4,5	Suliassa qarfimmik allannguneq (qaffaaneq)
640101	D	Nunanut Allanut Ilisimatusarnermullu Naalakkersuisoqarfik	38,9	35,9	-2,9	Suliassa qarfimmik allannguneq (appaaneq), Suliassa qarfimmik allannguneq (qaffaaneq)
642007	T	Inuit Circumpolar Council	3,4	3,4	0,0	
643001	D	Ilisimatusarneq	1,3	1,3	0,0	
643002	D	Nunatsinni Ilisimatusarnermik Siunnersuisoqatigiit	1,0	1,0	0,0	
643003	D	Phd-mik ilinniagaqartutut ilisimatusarnermik ilinniarneq	3,5	3,5	0,0	
643004	T	Nunat tamalaat Issittumi ilisimatusarnerat	0,8	0,8	0,0	
660101	D	Aatsitassanik Aqutsisoqarfik, allaffissorneq	6,7	6,5	-0,3	
660105	D	Pisortatigoortumik suliarinninnerit isertitatigut matussikkat	0,0	0,0	0,0	
660106	D	Ilisimatusarnerit ineriartortitsinerillu kulbrintinut tunngassutillit	0,0	0,0	0,0	
660107	D	Aatsitassanut tunngatillugu ilisimatuussutsikkut ineriartortitsinikkullu suliniutit	0,0	0,0	0,0	
670101	D	Aatsitassanut Inatsisillu Atuutsinneqarnerannut Naalakkersuisoqarfik	9,3	12,2	2,9	Suliassa qarfimmik allannguneq (qaffaaneq)
670102	D	Geologiimut Immikkoortoqarfik	8,5	8,3	-0,2	
670103	D	Geologiimut pilerisaarinnermullu Suliniutit	5,2	3,9	-1,3	
670112	D	Inatsiseqartitsinerimut Immikkoortortaqarfik	5,9	3,5	-2,4	
670113	D	Sulianik ingerlatitsinerimut aningaasaliissutit, aatsitassanut suliassa qarfimmik eqqartuussivinni suliassat	0,0	0,0	0,0	
670114	D	Qaqqat sisoornissaannut	6,7	6,4	-0,4	
670117	T	Naligiissitaanissamut Siunnersuisoqatigiit	1,7	1,6	0,0	
670118	T	Aatsitassanut suliassa qarfimmik innutaasunik peqataatitsineq	0,2	0,2	0,0	
670301	D	Inuussutissarsiornermut Immikkoortortaqarfik	11,2	11,7	0,4	Suliassa qarfimmik allannguneq (qaffaaneq)
670302	T	Taarsigassarsianut qularnaveeqquusisutit akilerneqarneri	0,5	0,5	0,0	
670303	D	Inuussutissarsiutit ineriartortinnerinut pilerisaarinnernulla suliniutit	1,4	0,8	-0,6	
670304	T	Puisit amiinik tunisineq	27,4	26,8	-0,6	
670305	T	Takornarianut sullisiviit nunatsinnilu takornariagassat	4,7	4,1	-0,6	
670306	T	Inuussutissarsiornermik siuarsaanissamut siliniutit	31,5	35,5	4,1	
670307	T	Nothern Periphery and Arctic-imut Kalaallit Nunaata tapersiissutai	1,1	1,1	0,0	
670401	D	Atuisartoqarnermut Unammilleqatigiinnermullu Aqutsisoqarfik, allaffissorneq	9,7	9,5	-0,2	
670402	T	Eqqartuussisutigoortitsinerinut aningaasaliissutit, Atuisartunut Unammilleqatigiinnermullu Aqutsisoqarfik	0,0	0,0	0,0	
679402	T	Nukissiorfiit	0,0	60,1	60,1	Suliassa qarfimmik allannguneq (qaffaaneq)
679403	D	Nukissiorfiit, aqqusinnermi qaammaqquteqarneq	0,0	6,7	6,7	Suliassa qarfimmik allannguneq (qaffaaneq)
679404	I	Nukissiorfiit, erniat	0,0	-57,6	-57,6	Suliassa qarfimmik allannguneq (qaffaaneq)
679405	I	Nukissiorfiit, akilersuutit	0,0	-70,0	-70,0	Suliassa qarfimmik allannguneq (qaffaaneq)
679407	D	Kalaallit Nunaanni Innaallagiarnermut Oqartussat	0,0	3,5	3,5	Suliassa qarfimmik allannguneq (qaffaaneq)

AI-konto		Taaguut	AI 2025	AIS 2026	Nikingassut	Allannguummut pissut
700101	D	Ineqarnermut, Attaveqaasersuutitut Isorliunerusunullu Naalakkersuisoqarfik	6,4	6,4	0,0	
700107	D	Sanaartornermi oqartussat	11,1	10,6	-0,5	
700114	D	Iluarsartuussinermit Aqutsisoqarfik	-0,1	0,0	0,1	
701003	D	Sillimasiinerit	1,6	0,0	-1,6	
720608	I	Illuliortiternernut aningaasalersuineq	-20,0	-40,6	-20,6	
720651	I	Inissianik tunisineq - ilanngaaseereerluni tunniussineq	-1,0	-11,0	-10,0	
721016	I	Inissiat attartortittakkat inerlanneqarnerat, aningaasaliissutitut iluanaarutit	-40,0	-39,0	1,0	
721017	I	Inissiat normuinit akiliisarneq	-2,3	-3,9	-1,6	
721019	T	Namminersorlutik Oqartussat ineqarnermi immikoortunut immikkut tapiissutit	3,1	0,0	-3,1	
722002	D	Kalaallit Nunaanni TV-kkut radiukkullu aallakaatitanik siammarterineq	26,3	26,3	0,0	
722005	T	Ilaasunik angallassinermut tapiissutit	200,7	189,1	-11,6	
722007	D	Ineriartortitsineq nakkugininnerlu, angalanermut suliaasaqarfik	7,7	7,5	-0,2	
722008	D	Nalunaarasuartaatitigut attaveqaatit	0,0	0,0	0,0	
722010	T	Usinik assartuineq	62,1	62,1	0,0	
722011	D	Nalunaarasuartaateqarnermut Aqutsisoqarfik	0,0	0,0	0,0	
722012	T	Sikunik alapernaarsuineq	4,7	4,7	0,0	
722201	T	Umiarsualivinnik oqartussaaneq	5,5	5,2	-0,3	
722604	T	Greenland Airports A/S	105,4	95,4	-10,0	
730101	D	Pinngortitamut, Avatangiisinullu Naalakkersuisoqarfik	29,4	20,2	-9,2	Suliaasaqarfimmik allannguneq (appaaneq)
730110	T	ASIAQ (Misissueqqaarnerit)	15,7	15,6	-0,1	
730112	T	Utertitsinermit aqutsisussamut tapiissutit	0,0	0,0	0,0	
730401	T	Nunalerinermit inuussutissarsiuqartunut aningaasalersuinikkut tapersiisarneq	14,5	0,0	-14,5	Suliaasaqarfimmik allannguneq (appaaneq)
730402	T	Ineriartortitsinermit aningaasatigut tapiissutit, nunalerineq	5,0	0,0	-5,0	Suliaasaqarfimmik allannguneq (appaaneq)
730403	T	Nunalerinermit inuussutissarsiuqtip siuarsarnissaa	13,6	0,0	-13,6	Suliaasaqarfimmik allannguneq (appaaneq)
730404	T	Taarsigassarsiat erniallit	0,0	0,0	0,0	
730405	I	Taarsigassarsianut erniallinit akilersuutit	-4,5	0,0	4,5	Suliaasaqarfimmik allannguneq (appaaneq)
730406	I	Ernianit isertitat	-1,5	0,0	1,5	Suliaasaqarfimmik allannguneq (appaaneq)
730407	T	Savaatillit nioqqutissanik pisiortornerminni taarsigassarsiaannut	1,3	0,0	-1,3	Suliaasaqarfimmik allannguneq (appaaneq)
730408	T	Kalaallit Nunaanni Imminut pilersornerulernissap inersiarneqarnera	15,3	0,0	-15,3	Suliaasaqarfimmik allannguneq (appaaneq)
730410	T	Nioqqutissanik pilersuineq aningaaseriveqartitsinerlu	23,2	0,0	-23,2	Suliaasaqarfimmik allannguneq (appaaneq)
739402	T	Nukissiorfiit	60,5	0,0	-60,5	Suliaasaqarfimmik allannguneq (appaaneq)
739403	T	Nukissiorfiit, aqqusinermit qaammaqquteqarneq	6,8	0,0	-6,8	Suliaasaqarfimmik allannguneq (appaaneq)
739404	I	Nukissiorfiit, erniat	-60,5	0,0	60,5	Suliaasaqarfimmik allannguneq (appaaneq)
739405	I	Nukissiorfiit, akilersuutit	-70,0	0,0	70,0	Suliaasaqarfimmik allannguneq (appaaneq)
739407	D	Kalaallit Nunaanni Innaallagiarnermut Oqartussat	3,7	0,0	-3,7	Suliaasaqarfimmik allannguneq (appaaneq)
739504	T	Silap pissusaa eqqarsaatigalugu ineriartortitsinissamut suliniutit	0,6	0,6	0,0	
770102	D	Aatsittasanut Suliaasaqarfimmut Avatangiisinut Aqutsisoqarfik	7,4	7,2	-0,2	
770105	D	Qaartiterutit, qatserisartoqarneq sillimaniarnerlu	2,5	2,4	-0,1	
770502	D	Pinngortitaleriffik	70,2	73,1	2,9	
770503	T	Avatangiisit, uuliaarluernernik akiuinermit atortunik pisinermit tapiissutit	0,2	0,2	0,0	

AI-konto		Taaguut	AI 2025	AIS 2026	Nikingassut	Allannguummut pissut
770507	D	Avatangiisit innarlitsaaliorneqarnerat	3,7	3,3	-0,4	
770508	T	Avatangiisinut Aningaasaateqarfik	16,1	14,6	-1,5	
800001	A	Nuussinissanut sillimmatit	1,8	73,9	72,1	
800002	A	Inuiaqatigiit aningaasaqarneranut iluanaarutissanngorlugit aningaasaliissutit	71,5	63,0	-8,5	
800010	A	Sanaartugassanut Iluarsagassanullu Aningaasaateqarfimmit utertitat	0,0	0,0	0,0	
822002	A	Pisariillisaaneq-suliniut, ERP	2,0	2,0	0,0	
822401	A	Akilaartarnermut Aqutsisoqarfimmi allaffissornermi atortorissaarutit ilil	3,8	3,8	0,0	
823001	A	Mingutsitsinnngitsumik aningaasarsiornikkut siuarsaanermut tunngatillugu EU-mi suliniutit	0,0	0,0	0,0	
833012	A	Utoqqaat angerlarsimaffii	15,8	15,8	0,0	
833013	A	Nuna tamakkerlugu paaqqinniffiit	32,4	5,5	-26,9	
844012	A	Ilinniartitaanermut sanaartukkat	31,2	31,2	0,0	
844015	A	Ilinniartut ineqarfiinik sanaartorneq	57,7	25,0	-32,7	
866001	A	Peqqinnissaqarfik	62,0	135,5	73,5	
871106	A	Ukiut tallimassaanni misissuisarneq	0,5	0,5	0,0	
877210	A	Nuummi sulisunut inissiat	3,5	3,5	0,0	
877312	A	Umiarsualivinnut talittarfinnullu aningaasaleeqqinnerit	119,1	25,2	-93,9	
877320	A	Mittarfiit aaqqissuussaananannik annertusaaneq	1,5	3,0	1,5	
897140	A	Nukissiorfiit, sanaartornermut taarsigassarsiaritit	62,0	60,0	-2,0	Suliassaqarfimmik allannguneq (appaaneq), Suliassaqarfimmik allannguneq (qaffaaneq)
897212	A	Inissialiassat taartissanillu inissialiortiterneq	140,2	133,0	-7,2	
Katillugit			121,3	11,8	-109,5	